

DZIMBUDZISO NA DZIPHINDULO

KHA VHAHEVHERU TSHIPIDA I

 A nga zwi kona hani a si na Mudzimu? Uyo u do vha wa vhukuma, a nga si vhe wa u ralo? A zwi konadzei hu si na Murena.

A thi khou ya u rera nga zwothe. Fhedzi ndo elekanya uri ndi do fara tshiñwe tshithu tshi lemelaho, ni a divha, ngauralo ndi khwiñe ndi tshi lugela. Fhedzi, oo, zwo vha zwi tshi ralo, u leluwa. Khanwe a hu na dzimbudziso nnzhi vhukati ha vhathu, dzi tou vha mbudziso dzi sa kondi nahone dzo leluwaho. Zwo luga, ndo takala nga u lingedza u dzi fhindula u ya nga hune nda kona, nga thuso ya Murena.

² Huno arali Khaladzi Arganbright a hone madekwana a namusi... Khaladzi Ruth. Ni hone, Khaladzi Ruth? Khoyu hafha. Ndi na... Oo, ee, ndi na diresi hafha, nahone... Hai, a thi na. Zwo luga, ndi nga i dzhia hafha. Ndi nayo kha tshikwama tshanga tsha bugu, huno ndo sia tshikwama tshanga tsha bugu hayani. Zwino, arali pholisa la mpfara ndi tshi khou ya hayani, Mukomana Fleeman, u de u mphuluse. U vhudze Billy uri ndi... ndo sia tshikwama tshanga tsha bugu hayani, ndi khou reila ndi si na thanziela madekwana a namusi. Huno ndo elekanya uri ndi nayo tshikwamani tshanga; ndo shandukisa zwiambaro. Ndo vha ndo lenga, ano masiari, ndo vha ndi tshi khou gera mahatsi nga u ṭavhanya huno nda tea u litsha huno nda ṭavhanya nda dzhena ngomu, nda shandukisa zwiambaro nahone nda da fhano. Huno ndo—ndo da na ṭhaluso ya lexicon, fhedzi ni nga kona u i wana phanda ha izwi nnnda afho.

³ Ni so ngo dipfisa zwiñwe-vho nga *uvho* vhurifhi. Arali ndi si na vhuñwe ho kalulaho u fhira uvho, uvho ndi vhurifhi ha vhudi. Izwo zwo vha zwi zwavhudzi. Izwo zwo vha zwo ralo nga maanda, zwo naka nga maanda. Ndo ni vhudza uri a thi nga vhu vhali, fhedzi ndo ṭangana khaho, ni a divha, huno nda kundelwa u difara. Ndi tou divhudzisa uri no ri mini. Nahone ho vha ho ralo nga maanda, ho naka nga maanda, ho nwala u tou fana na ndila ine mudededzi wa tshikoloni a tea u nwala ngayo. Izwo zwo vha zwi zwavhudzi, nahone ndi a zwi livhuwa. Huno zwi—zwi ni neya...

⁴ Ni a vhona, ndi a funa vhurifhi ha muñwe muthu ane a—a fhambana zwiñuku na inwi. Ni a vhona, arali na tshimbila zwo naka tshifhinga tshothe, hu si na muthu a fhambanaho na inwi, ni a xeletwa nga muthetshelo. Ni tea u wana phambano thukhunyana uri ni kone u pfesesa na u dzhena vhudzivhani.

Huno—huno ni tou dzhena kha ndovhololo nthihi arali na sa lavhelesa; zwenezwo na—zwenezwo na dzhena khakhathini musi no ralo. Ni tea u tou dzula ni tshi isa phanda nahone ni wane muñwe muthu wa u fhambana nae huno ni fhufhure mathenga zwiłukunyana.

⁵ Ngei Afurika ndo wana ndau mbili, nahone dzo vha dzi tshe ḫukhu, dzi tshi vhonala sa *hezwo*. Dzi na dondo, zwiłuku, ndawana; ndau ḫukhu, ndawana ḫukhu ya tsadzi. Huno zwino, dzo vha dzi tshi nga zwimangana, dzo vha dzi ḫukhu nga u ralo, dzi ḫukhu... zwithu zwiłuku zwo dinakelaho, dzo vha dzi khou sokou tamba. Huno ndo vha ndi khou ya u dzi vhuisa Amerika, ndo vha ndo dzi vheya kha hoko ya tshiñoni. Ndo vha ndi tshi khou ya u dzi vhuisa murahu, fhedzi nda kundelwa u wana tshone—tshiñwe tshithu tsha u dzi haela, mulimo muñwe na muñwe. Huno vha hana uri ndi vhuye nadzo United States dzi so ngo thoma dza ranga u haeliwa, nahone nda kundelwa u zwi wana kha Afurika ḥothe. Fhedzi arali no vha ni tshi khou ḫoda u divha uri ndi ndau kana hai, itanu i kweta zwiłuku. I do ralo u hwida nahone ya ni sumbedza uri i ndau, zwo ralo—zwo ralo hezwo zwi ni divhisa uri yo ima ngafhi.

⁶ Ndi ndila ine na tea u ita ni tshi ralo ngayo, ni a divha, u vhudzulela mathenga murahu, u wanulusa. Fhedzi, zwino, a ri kwati sa ndau; ri tou ralo u funa izwo, u... vhatu vha tea u vhudzisa dzimbudziso. Huno mbudziso dzi ngaho idzo, Khaladzi Ruth, ndi dza, ndi zwavhudı kha nne. Ndi...ndi—ndi a zwi funa, ni a vhona. Ndi hedzo dzo *vhilinganaho* dzine nda vhenga u dzhena khadzo. Fhedzi idzo dzi...izwo zwo vha zwo luga.

⁷ Zwino ri na zwiñwe zwavhudı, zwi dzinginyisaho, dzimbudziso dza hayani. Hu na mureri murahu hafho kha lufhera lwa murahu zwino, o mmbudzisa, a ri, “Vhaporofita vhavhili vha Nzumbululo 11, vha do da phanda ha u Takulelwa Tađulu? Kana phanda ha u ḫuwa ha Isirale? Huno mini...” Zwino, hedzo ndi dzone mbudziso dzine dza—dza—dza ni ḫumanya u mona. Fhedzi hedzi mbudziso dzo leluwaho vhunga hedzi dzo luga.

Fhedzi zwino, phanda ha musi ri tshi thoma, kha ri kotamise ḫoho dzashu u itela thabelo:

⁸ Khotsi, zwo dzhielwa nzhele uri musi U na miñwaha ya fumimbili, Wo wanala Thembeleni na vhañwali na vhavhuṭali, u tshi khou amba navho Mañwalo. Huno vho vha vho—vho vha vho akhamadzwa nga...vhanna vha kale, nahone vho pfumbudzaho zwavhudı kha Mañwalo, huno fhedzi Mutukana muñuku wa miñwaha i teyaho kha fumimbili a tshi tou—tou mangadza, kha u ḫalutshedza Mañwalo. Wo vha u kha tshumelo ya Khotsi Au. Wo amba na mme Au, “Naa a u zwi divhi uri Ndi tea u ita tshumelo ya Khotsi Anga?” u ḫalutshedza Mañwalo nga kupfesesele kwa tshimuya.

⁹ Huno zwino ri a rabela, Murena, uri—uri Iwe nga u divha uri ri kundelwa na u fhihamelwa hani, nahone ro vhofheya hani kha phoswo, uri U tou da kha riñe madekwana a ñamusi nga tshivhumbeo tsha Muya Mukhethwa, nahone u ri ḥalutshedze Mañwalo. Ndo lindela na u ditika nga Iwe. Huno arali nda vhuya nda ralo, tshiñwe tshifhinga, u lingedza u vheya ngelekanyo dzanga kana ḥhalutshedzo kana zwithu zwanga, u lingedza u zwi ita uri zwi pfale sa izwo nga ndila ye nda vha ndi tshi khou zwi ḥalutshedza ngayo i do vha yone, vala mulomo wanga, Murena, vhunga U tshi... Zwe Wa ita dzindau, musi dzi tshi da kha Daniele. Iwe u kha di vha Mudzimu muthihi.

¹⁰ Huno zwi tendele zwi vhe zwikhethwa... Vhunga ri tshi khou ditika nga Muya Mukhethwa, ngavhe A tshi tou ri dzumbululela hezwi zwithu. Huno vhunga O zwi amba, a zwi ḥana nga ndila ine ane a vhudzisa mbudziso a kone u Zwi ḥanganedza. Huno arali Zwa fhindula zwo fhambanaho na zwe nda dzulela u tenda, zwenezwo tendela mbilu yangi i pembele, Murena, nga u divha uri ndo wana zwithu zviswa, na iñwe ndila ya vhudi ya Murena. Ngauri Wo ri, "Tolani Mañwalo, ngauri Khao ni dzhia u nga ni na Vhutshilo Vhu Sa Fhelis, nahone ndi One ane A ḥanziela Nne."

¹¹ Zwino, nga murahu ha pfunzo ya Luñwalo, zwi do ralo u vusa ngelekanyo nnzhi na zwiñwe zwinzhi. Huno ndi a rabela, Mudzimu, zwino uri hedzi dzimbudziso dzothe dici vhonala dici dza vhuđi nahone dzo vhudziswa nga ndila yone, ngavhe Muya Mukhethwa u tshi vha fhindula zwavhuđi nahone lwo dzikaho. Ngauri ri zwi humbelu nga Dzina la Yesu, na u itela vhugala ha Mudzimu, na u fhaṭa Tshivhidzo Tshawe tshi tshi ya nt̄ha. Amen.

¹² Hu na zwifhinga zwinzhi zwine maitele a lutamo lwa muthu kha tshiñwe tshitihu, a tou tshinya muthetshelo wothe watsho. Huno zwino, dzimbudziso kha holu Luñwalo dzo vhudziswa.

¹³ Zwino, arali nda tzhema zwiñuku madekwana a ñamusi, ndo bvisa lino. Huno nda li džhenisa, huno a thi koni u rera, ndi a ongolowa musi ndi tshi khou rera; ndi a li bvisa, huno nda tou vhudzula.

¹⁴ Vhomme. Billy Graham vho amba tshiñori ngae, tshifhinga tshe vha mu vhona o takala nga maanda, ho vha, a na lino nga phanda. Huno a li xedza, huno a wana mbekanyamushumo ya thelevishini, huno—huno a kundelwa... Yo vha i kha ndilo na mañwe mano manzhi a murahu. Huno musi a tshi amba, u tou vhudzula "whew, whew" nga kha lino lawe. Huno a ri a wa nga magona awe, a tshi khou rabela na u phopha mabiko, miniti ya fumi phanda ha khasho ya thelevishini, huno mafheleloni vha wana he la wela hone u bva kha phere dza marukhu awe kha tshikuñwe tsha zwienda zwawe. Muñwe wa vhalindi o i wana, ilo lino la lifanedza. Huno Vhomme. Graham vho mu vhudza,

na hafha. Huno nda zwi nwala kha tshipida tshituku tsha bammbiri, ndi elekanya uri ndi nazwo hafha kha Bivhili yanga.

¹⁵ Huno-ha zwi nga zwi... musi ri tshi aluwanyana na u neta, ni a divha, huno ri tshi thoma u xelelwa nga hezwi, zwi ita uri zwi konde. Huno-ha ndi... musi ndo bva na Mukomana Roberson murahu hafho, na vhenevho, ndo vha ndi tshi khou li hwaya manwe matsheloni huno nda kwasha tshipida tsha bva khalo, huno nda tea u li isa kha dokotela, uri a li dzudzanye. Ngauralo Murena kha engedze phatshutshedzo Dzawe.

¹⁶ Zwino ri khou ya, zwino, ndi khou ya u lingedza u fhindula dzothe, arali ndi tshi do kona. Huno, Mukomana Tony, nga tshilidzi tsha Mudzimu, ndi na thalutshedzo ya muloro wau, nahone ndi wa vhudi. Ndo takala zwi hulu nga u vhona izwo. Nahone ndi thalutshedzo ya vhudi, ine nda kholwa uri a thi tei u i amba zwi vhathuni hafha, ngauralo ndi do u vhudza yone tshiphirini arali u—arali u sa todi... arali u tshi khou i toda nga u ralo. O mmbudzisa vhuñwe vhusiku, o vha na muloro, huno nda kundela u mu vhudza uri u amba mini u swika ndi tshi ya kha Murena nahone nda zwi rabelela. Zwenezwo Murena vha u dzumbulula nahone vha mmbudza uri thalutshedzo ndi mini. Izwo ndi zwavhuđi, nahone ndi mafhungo a vhudi kha iwe, Mukomana Tony.

¹⁷ Zwino, mbudziso ya u thoma. Zwino, a thi divhi uri ndi thome ngafhi, ngauri dzothe ndi dza vhudi. Fhedzi, zwino, ri lingedza u sa dzhia tshifhinga tshilapfu, huno khanwe ri nga dzi fhedza nga Swondaha, arali ra sa dici fhedza.

- 51. Talutshedza uri hezwi zwi amba mini “tshigwevho tsha lini na lini,” kha Mateo 25:46. “Fhedzi yone...” Heyo ndi mbudziso.**
- 52. Zwenezwo, mbudziso ya vhuvhili: “Fhedzi vhana vha muvhuso vha do poswa nnnda swiswini,” izwo zwi fana na u vha bvisa kha muhumbulo wa Mudzimu?**

¹⁸ Zwo luga, zwino, wanani mbudziso yanu ya u thoma, ine ya wanala kha Mateo Mukhethwa, kha vhufumbili... kha ndima ya vhu25. Zwino ri do ralo... Zwino, hezwi a tho ngo vhuya nda zwi vhala, ndo sokou dici lavhelesa murahu afho, nahone nda lingedza zwine nda kona u dici lavhelesa u ya nga hune nda—hune nda divha. Huno yanga... Vulani na nne kha Bivhili dzañu, musi ri tshi Zwi guda. Zwino, ndo vha ndi khou toda u bvisa hezwi na kha thaluso ya lexicon ya Tshigerika, uri ni wane zwone—zwone zwavhukuma malugana na hezwi. Nahone izwo ndi—ndi a zwi takalela. Zworalo ri do zwi vhala kha dzothe ya—kha dzothe ya—ya Tshigerika na inwe. Huno hezwi hu do vha—zwi do ongolowa, na u guda, ngauri ndi khou tea u swikelela huno nda dzhia Mañwalo hothe hune nda a wana hone, huno nda a vheya vhuimoni hao. Zwo luga.

¹⁹ Zwino, hu na muñwe ane a khou ḥoda Bivhili ya u guda ngayo? Arali ni tshi khou ralo, imisani tshanda tshanu. Huno ri... Ndi elekanya uri ri na tharu kana nna murahu hafha. Arali ni tshi khou ḥoda u guda nga Luñwalo, zwō luga. Mukomana Cox, u ḥo ralo u ḫa afha huno wa dzhia Dzibivhili? Huno ndi—ndi zwavhuđi kha iwe, arali u tshi nga ralo, u... (inwe kheyo, huno u sokou—u sokou dzi dzhia wa tsa nadzo arali u tshi ḥoda, idzo nnzhi). Huno muñwe na muñwe ane a khou i ḥoda, itanu imisa tshanda tshanu, mutukana u ḥo dzi disa kha inwi, ni a vhona. Huno ri khou ḥoda u guda hezwi rothe, nahone ra sokou...

²⁰ Zwino, kha idzi mbalo na dzindima dza u fhedza... ndima dza sumbe dza u thoma dza Bugu ya Vhahevheru. Murahu ha u funza, zwō tou ralo, mutukana we a ḥwala hezwi phasi, hedzi ther, Mukomana Mercier na Mukomana Goad, vha nadzo nahone zwino vha khou ḥoda u dzi anqadza kha tshivhumbeo tsha bugu. Huno vha nadzo. Zwino... huno a ri na tshithu tshi ngaho hafu ya ndila yo nambatela, ri tou pala phasi. Huno ndi elekanya uri vho dzi ḥalutshedza... nahone vho dzhia zwone—zwone zwigwada u bva kha... na u tou swahedzela zwone zwigwada, zwigwada zwiłuku zwa pfunzo ya Vhahevheru. Mukomana Mercier hu si kale u ḥo vha a nadzo, dzo gandiswa, nnyi na nnyi ane a dzi ḥoda.

²¹ Zwino hezwi zwi hafha, zwi disa... Ni nga si fhire nga... kha tshivhidzo tsha vhuevangelī, tshire ndi tshivhidzo tsha vhuevangelī. Ni nga si fhire kha—kha pfunzo ni si takuse khumbulelo na ngelekanyo dza vhathe vhanzhi. Ni tea u ralo. Zwino, ndi kule na u vha mudededzi, a thi mu ḥani wa Bivhili na luthihi. Fhedzi a thi vhuyi nda lingedza u—u amba tshiñwe tshithu, kana u ita tshiñwe tshithu, fhedzi nda thoma—nda thoma u vhudzisa kana u wana zwa khwiñe zwanga khazwo.

²² Ndo zwi vhudzisa nga murathu a funeaho, vhusiku ho fhiraho, o ri, “Mukomana Branham, Mukomana Seward o vhuya a ri iwe a—a u sokou ima huñwe na huñwe. Ni a vhona, uri u dzulela u vha na inwe ndila ya u bva khazwo kana ya u sendela kule nazwo.”

²³ Nda ri, “Zwo luga, mbuno ya hezwo, ndi khou lingedza u elekanya phanda ha musi ndi tshi ita tshiñwe tshithu. Ni a vhona? Huno arali vhathe vha mmbudzisa, zwenezwo ndi a kona u vha vhudza ngelekanyo dzanga. Ni a vhona?” Fhedzi ndi musi no elekanya zwone. Huno phanda ha musi ni tshi ita tshiñwe tshithu, lingedzani u dzhia sia īne Mudzimu a nga ni dzhiisa īone, zwenezwo zwi ḥo kondā uri ni kundiwe.

²⁴ Ni nga si limuwe tshifhinga tshe—tshe Ahaba a lingedza u kwanyeledza Eliya. Ni a elekanya tshifhinga tshe Vhafarisei vha lingedza u kwanyeledza Yesu? Ni a vhona, O vha a—O vha a na phindulo nga u ḥavhanya, ngauri zwothe zwe A ita, O zwi ita

nga lufuno lwa Mudzimu, huno A...O—O zwi wana nga u ralo. Zwino, ndi yone nqila ine ra khou zwi ḥoda nga hezwi.

Zwino mbudziso yo vhudzisa, ri do tevhedzela mbudziso:

Tlutshedza uri izwi zwi amba mini “tshigwevho tsha lini na lini,” kha Mateo 25:46.

²⁵ Zwino thetshelesani nga maanda. Nothe zwino, Mateo 25:46:

Huno havha vha do dzhena kha tshigwevho tsha lini na lini:...

²⁶ Zwino, mbudziso ndi ya u ri, “Mini...Talutshedza...” Zwino ipfi *lini na lini* li bva kha ipfi “tshothe-tshothe,” huno lwa *tshothe* zwi amba “tshikhala tsha tshifhinga.” Zwi tou amba uri “tshifhinga tshinzhzi,” lwa *tshothe*. Zwino arali na tou vhala... A thi divhvi uri ndi nnyi o nwalaho dzimbudziso, ngauri a hu na we a nwalala dzina lawe khadzo; a zwe ngo tea u tou ralo, a thi a ḥodi, ni a vhona.

Fhedzi havha vha do dzhena kha tshigwevho tsha lini na lini:... (Zwino lavhelesani, havho ndi vhavhi.)

²⁷ Zwino, a funeaho—muthu a funeaho we a vhudzisa heyi mbudziso, itanu I vhala yothe:

...fhedzi vhavhuya kha vhutshilo vhu sa fhelis.

²⁸ Vhavhi vha do ya kha tshigwevho tsha lini na lini (tshikhala tsha tshifhinga tsho yaho nga u ralo), fhedzi vhavhuya vha na Vhutshilo Vhu Sa Fhelis. Ni nga si vhuye na wana tshigwevho tsha u ya Nga Hu Sa Fhelis, zwi nga si ralo. Ni a vhona, arali vha na tshigwevho tsha u ya Nga Hu Sa Fhelis, vha na Vhutshilo Vhu Sa Fhelis; vha na Vhutshilo Vhu Sa Fhelis, who tshidzwa. Ni a vhona, zwi nga si ralo. Zwino arali na lavhelesa, yone—yone mbudziso yo divhudzisa...ya ḥifhindula. Ni a vhona?

Huno havha...

Zwino lavhelesani, ndi do dzhena phanda hafha:

...huno vha...

²⁹ Kha ya vhu20...ndimana ya vhu44:

...huno navho vha fhindula, vha ri Khae, Murena, ndi lini hune ra do pfa ndala, ndi lini hune ra do pfa dora, huno mutsinda, nahone ra vha fhedzi, ...huno ra valelwakhothoni, huno ri si u shumele?

Zwenezwo u—zwenezwo u do vha fhindula, a ri, Ngoho Ndi a ni vhudza, Zwenezwi zwe na ita...kha munwe wa havha vhaṭuku, no zui ita...kha nne.

Huno havha vha do ya kha tsha lini na lini (lini na lini) *tshigwevho:* (havho ndi vhavhi)...*fhedzi vhavhuya kha Vhutshilo Vhu Sa Fhelis.*

³⁰ Ni a vhona phambano? Vhavhi vha na tshigwevho tsha lini na lini, fhedzi *lini na lini* ndi “tshikhala tsha tshifhinga.” Zwino,

arali zwo vha zwi tshi do fana, ndi musi zwo ḥwaliwa, “Huno havha vha do ya kha tshigwevho tsha lini na lino, vhańwe vha do ya kha vhutshilo ha lini na lini.” Ni a vhona? Kana, “Vha do ya kha tshigwevho tsha u ya Nga Hu Sa Pheli, huno vhanwe vha ya kha vhutshilo Vhu Sa Pheli.” Ni a vhona, arali hu na tshigwevho tsha u ya Nga Hu Sa Pheli, u gwevhiwa lwa tshothe-tshothe, zwenezwo hu na Vhu Sa Pheli . . . u na Vhutshilo Vhu Sa Pheli; huno Vhutshilo Vhu Sa Pheli vhuthihi, huno uvho vhu bva kha Mudzimu. Zwothe zwi si na mathomo a zwi na magumo, zwothe zwi na mathomo zwi na magumo. Ni a vhona zwine nda amba?

³¹ Zwino, Luńwalo Lwone-luńe lwe—lwe muthu a funeaho a fhindula . . . Zwino arali na zwi dzhia nga ḥhaluso ya lexicon, “*Huno havha vha do ya kha ainion, u tumulwa, na kha lini . . . na muliloni, dzivha la mulilo.*” Zwino, ipfi *a-i-n-i-o-n* li amba “tshikhala tsha tshigwevho.” Kha ḥhaluso ya lexicon ya Tshigerika, hafha, “tshikhala tsha tshigwevho,” kana, “tshifhinga tsha tshigwevho.” Ni a vhona, “Vha do dzhena kha tshifhinga tsha tshigwevho.” Ipfi lo shumiswa, *a-i-n-i-o-n*. *Ainion*, zwine zwa amba “zwifhinga, tshifhinga, tshifhinga tsho kaliwaho.” Zwenezwo ni zwi humisele murahu kha—kha ḥhalutshedzo hafha, Tshikhuwa, *lini na lini ndi* “tshifhinga tsho kaliwaho.” Ni a vhona, li bva kha Tshigerika, “tshifhinga tsho kaliwaho.” Ipfi *ainion*, kana *a-i-n-i-o-n*, *ainion* zwi amba “tshifhinga tsho khetheyaho tsha tshigwevho.”

³² Fhedzi ni vhale mańwe, “Fhedzi havha vha do dzhena kha Vhu Sa Pheli.” Hezwo zwo fhambana. Ni a vhona, Vhutshilo Vhu Sa Pheli. *Vhu Sa Pheli* li bva kha ipfi “Nga Hu Sa Pheli,” huno Nga Hu Sa Pheli a li na mathomo kana magumo. Ndi tshothe *na* tshothe. Zwino izwo zwi tea u fhindula zwenezwo, ni a vhona, ngauri arali na vhala Luńwalo zwavhuđi, ni do vhona.

³³ “*Huno havha vha do dzhena kha tshigwevho tsha lini na lini, fhedzi vhavhuya . . .*” Vhavhi vha o dzhena kha tshigwevho tsha lini na lini, vha gwevhiwa lwa tshikhala tsha tshifhinga; khańwe mińwaha ya bilioni, a thi divhi, fhedzi ni do gwevheliwa zwivhi zwańu. Fhedzi vhunga tshivhi tshi na mathomo, tshivhi tshi na magumo. Tshigwevho tshi na mathomo, nahone tshigwevho tshi na magumo. Nahone hele yo sikelwa diabolo na vharuńwa vhawe. Ni a vhona? Zwo luga. Zwino, ndi na zwińwe fhasi hafha zwa u fhindula izwo, nga miniti i si gathi, zwine ndi zwavhuđi, u ḥuma khazwo.

Zwino, fhedzi havha hafha: “**Fhedzi vhana vha muvhuso vha do sukumedzelwa swiswini,**” izwo zwi fana na u bviswa kha muhumbulo wa Mudzimu?

³⁴ Hai, a zwi nga fani. Zwino, hafha ni khou amba kha Tshiswićulo tsha Munyanya. Zwino, “Huno vhana vha muvhuso,” vhunga zwo vhudziswa hafha. Vhana vha muvhuso ndi Vhayuda, huno vho sukumedzelwa nnda swiswini. Huno

vho—vho sukumedzelwa nn̄da swiswi, nahone vho fhira kha tshifhinga tsha u lila na u gomela na u shenganya maño. Vho sukumedzelwa nn̄da swiswini uri zwi ḋo ḥneya inwi na nne tshikhala tsha u rembuluwa, fhedzi a vho ngo vhuya vha bviswa kha muhumbulo wa Mudzimu. Ha nga vhuyi a hangwa Isiraele. Huno Isiraele, vhunga muvhali muñwe na muñwe wa Bivhili a tshi zwi ḫivha, vha ambiwa sa “vhana vha muvhuso.” Ni a vhona, ndi muvhuso, pfulufhedziso. Nga mañwe maipfi, Mudzimu a tshi khou shuma na lushaka, musi A tshi shuma na Isiraele, vhane vha vha vhana vha muvhuso.

³⁵ Zwino, ni a eelwa, O amba hafho, “Huno Abrahamu na Isaka na Yakobo,” huñwe fhethu, “vha ḋo da nahone vha dzula kha muvhuso tshifhingani tsha vhufhelo.” Ni a vhona, huno hoyo Abrahamu, Isaka na Yakobo vha ḋo vha vha muvhusoni; vho ralo, vho vha vha vhatu vha phaṭhutshedzo dza muvhuso. Fhedzi vhana vha muvhuso vha ḋo poswa nn̄da swiswini.

³⁶ Zwino, hune tsumbavhubvo ya bva hone hafha ndi—ndi Muhwe. Musi Muhwe a tshi ḫa, musi vha . . . Vhasidzana tshipofu vhañanu vho ya vha ḫanganā na Murena, huno—huno vho vha vha si na mapfura kha mbone dzavho. Huno vhone—vhone vhañwe vhañanu vho vha vha na mapfura kha mbone dzavho. Zwino, arali na dzhieila nzhele, ndi tshifanyiso tsha vhudi, vhothe Vhayuda na Vhannda, vhunga vho landulwaho. Vheyani izwo muhumbuloni, tshifhinga tshothe hu na kiłasi tharu dza vhatu: Vhayuda, Vhannda (vhatu zwavho), . . . ; Vhayuda, Vhannda, na Tshivhidzo. Arali na ḫanganisa havho, ni ḋo dzhena khakhathini musi ni tshi swika kha Nzumbululo. Ngauri arali na sa . . .

³⁷ Vhunga Vho. Bohanon vho amba na nne tshiñwe tshifhinga, vha ri, “Billy, nnyi kana nnyi ane a lingedža u vhalā Nzumbululo u vha na ndoro mmbi. Ngani,” o ri, “Muselwa khoyu hafha fhasi kha ḫifhasi, huno lone—huno ligwena li bvisa mađi nga mulomo walo uri li ite nndwa nae.” Huno a ri, “Zwenezwo nga tshifhinga tshīthihi tshine Muselwa o ima sa vha zwigidi zwa dana na fuina-inā” (pfunzo ya Thanzi ya Yehova) “ngei Thavhani ya Sinai. Nahone nga tshifhinga tshīthihi tshine Muselwa u Ṭadulu.” Hai, hai, ni khou khakha.

³⁸ Hu na kiłasi tharu dza vhatu. Ni a vhona, idzo ndi, Muyuda o landulwaho, huno hu na musidzana tshipofu o eđelaho ane mađi . . . A si Mbeu ya musadzi, ndi lisalela la Mbeu ya musadzi le ligwena la pfela mađi u bva mulomoni wało . . . Nzumbululo 11. Huno-ha, zwavhudī-vhudī, Vhayuda vha zwigidi zwa dana na fuina-inā vho vha vha si Muselwa, ndi masalela a tshivhidzo tsha Vhayuda. Huno pfunzo ya Thanzi ya Yehova ine ya vha vheya sa Muselwa, a thi vholi uri izwo ni nga zwi ita hani, ngauri, a si Muselwa.

³⁹ Arali na limuwa kha Nzumbululo hafho, Yo ri, “Huno ndi vhasidzana tshipofu.” Nahone ndi magota. Hunogota ndi mini? Vho vha vha... Gota ho vha hu vhalindi vha thembele vhane vha linda khosikadzi, ngauri vho vha vha... vha-... Vho vha vha vhanna vhe vha itwa uri vha si bebe. Vho vha vha na... No dzhiela nzhele, yo ri, “A vho ngo ditshikafhadza nga vhasadzi”? Vho vha vha magota a thembele. Huno tsho vha tshi tshivhalo tsho tiwaho tshe Mudzimu a tshi dzhia kha vhanangiwa vha Vhayuda. Zwino, arali na limuwa... Arali ra nga tou wana hezwo nga tshikhalyanya, uri ri zwi khwaθhisidze muhumbuloni wañu, hune na do kona u... .

⁴⁰ Kha ri ye kha Nzumbululo, ndima ya vhu7, huno ri do wamulusa hafha zwino, hune... zwine Ya amba. Ndi zwithu zwavhudzi:

Huno nga murahu ha izwi... Nda vhona vharuñwa vhaña vho ima kha khuda nna dza liphasi, ... (zwino, hezwi zwi fana na Ezekiele 9, hune o vhona u tshinyadzwa ha Vhayuda. Huno hafha u vhona u tshinyadzwa ha Vhannda, Nzumbululo, ndima ya vhu7)... Huno nda vhona vharuñwa vhaña vho ima kha khuda nna dza liphasi, vho fara mimuya miñga (mimuya zwi amba “nndwa na khakhathi”)... uri muya u si vhudzule kha liphasi, kana kha lwanzhe, ... kana kha muri. (huno iyo ndi nndwa, “u fara”)

⁴¹ Oo, arali ri na tshifhinga tsha u dzhena kha zwithu kha heyi mbudziso. Izwo zwo itea... Ndi hone he Russell a tanganana. Russell o porofita, a tshi vhona hezwi zwi tshi khou da. O porofita “zwi do vha u vhuya ha Murena Yesu,” a sa divhi uri ho vha hu-hu u pfuñelwa ha Tshividzo. Ni a vhona?

⁴² Huno vho divhudzisa uri nndwa ya shango yo ralo hani... Nndwa ya u Thoma ya Shango. Lavhelesani, yo ima nga la vhufuminthihi la Lara, nga iri ya vhufuminthihi nthia ha tshithoma masiari; nga nwedzi wa vhufuminthihi, duvha la vhufuminthihi, nahone nga awara ya vhufuminthihi. Huno nga u ḥavhanya murahu ha izwo, ndovhedzo madini nga Dzina la Yesu ya dzumbululwa na Ndovhedzo ya Muya Mukhethwa kha Tshividzo. Kokotolo, hu tshi kha di bva u tou fhela izwo.

⁴³ Arali na zwi dzhia kha Nzumbululo, uri ro Zwi ḥumanya hani zweþe, na vhukati ha Tshikhathi tsha Filadelfia na Laodekia. Huno Vhamethodisi vho vha na Tshikhathi tsha Filadelfia, lufuno lwa vharathu. Huno tshikhathi tsha u fhedza, tshikhathi tsha tshividzo, ndi Tshikhathi tsha Laodekia, tshire tsha vha tshikhathi tsha u dudela. Huno O amba heneffo, “Ndo vheya muñango (muñango wo vuleyaho) phanda hañu.” Muñango wo vuleyaho! Huno arali na sumba hayo Mañwalo murahu, a do ḥumanya Mulaedza woþhe fhethu huthihi heneffo, u ni sumbedza kokotolo.

⁴⁴ Lavhelesani! Hafha ndi hune zweithe zwe vha Khotsi, Murwa, Muya Mukhethwa, kha ndovhedzo, (zwine ri do dzhena khazwo tswititi) zwine zwe vha zwi mikhuvha ya Katolika nahone zwi si pfunzo ya Vhakriste. Hai, muñe wanga. Ndi tou... Ri nazwo hafha, madekwana a namusi, uri ri dzhene khazwo; na thaluso ya lexicon, nayo-vho. Ni a vhona? Ee, muñe wanga, na divhazwakale. A hu na muthu we a vhuya a lovhedzwa nga u ralo kha Bivhili, kana lwa miñwaha ya u thoma ya madana a rathi murahu ha Bivhili. Huno ndi nga zwi sumbedza henehfa nga pfunzo nthihi ya Katolika, uri ndi vhone vho zwi thomaho, na u shasha na u shelha.

⁴⁵ Zwa bva henehfa zwa dzhena kha tshivhidzo tsha Wesley, na tshivhidzo tsha Methodisi, Methodisi ya zwi qisa kha Baphuthisi, Baphuthisi ya zwi fhirisa, nahone zwi kha di vha pfunzo ya mazwifhi! Huno ndi nga vhuya murahu kha Bivhili nahone nda ni sumbedza uri Bivhili yo ri “ni na dzina la uri ni a tshila, fhedzi no fa.” Ndi zwone kokotolo. Huno vha na...

⁴⁶ Ndi nga sumbedza uri Bivhili yo funza uri vha do shumisa Dzina Lawe kha ndovhedzo u swika tshikhathi tsha swiswi, zwi tshi tevhela tshone—tshone tshikhathi tsha vhuna...tsha—tsha tshikhathi tsha tshividzo, Tshikhathi tsha Tshividzo tsha Pergamosi. Huno O ri, kha, kha iyo miñwaha ya madana a fumithanu a zwikhathi zwa swiswi, muñwe na muñwe, o ri, “U na tshedza tshiñku tsho salaho, ngauri o wo ngo landula Dzina Langa.”

⁴⁷ Musi zwi tshi da kha hetsho tshiñwe tshikhathi hafho, tshikhathi tsha Katolika, O ri, “U na dzina la uri u ya ‘tshila,’ fhedzi wo fa! Nahone wo landula Dzina Langa.” Khezwo-ha. Ni a vhona? Zwi tou ñumanya tshifanyiso tshithihi tshihulu, Bivhili yothe.

⁴⁸ Zwino dzhielani nzhele kha hezwi:

...o fara mimuya miña...

*Huno nda vhona muñwe muruñwa a tshi tsa a tshi bva
Tadulu, a na pfundo la Mudzimu a tshilaho:... (Pfundu)*

⁴⁹ Zwino, pfundo la Mudzimu a tshilaho ndi mini? Zwino, vhoiñwi vharathu vha Vhagwalabi ni khou ya u ri, “U vhulunga duvha la savhatha.” Ndi khou ñoda ni tshi ntsumbedza izwo kha Luniwalo. A zwi ho afho. A hu na fhethu na huthihi he ya...ndi—ndi pfundo...

⁵⁰ Arali na vhala Vhaefesa 4:30, nga u ñavhanya, ni do wanulusa zwine Pfundo la Mudzimu a tshilaho la vha zwone. Vhaefesa 4:30 i ri, “Ni so ngo ñungufhadza Muya Mukhethwa wa Mudzimu we na pfunelwa ngawo u swika duvha la thengululo yanu.” Hu si u swika mvuseledzo i no tevhela, fhedzi ni na tsireledzo ya u ya Nga Hu Sa Fheli (uh-huh). “Ni so ngo ñungufhadza Muya Mukhethwa wa Mudzimu we na pfunelwa ngawo u swika duvha la thengululo yanu.” Vhonani arali Vhaefesa 4:30 i sa ambi izwo,

zwenezwo ni dzhie kuvhalele kwa ngelekanyo dzanu huno ni dzi tshimbidze kha Mañwalo heneffo hothe, huno ni wanuluse. Zwino, “No pfunelwa u swika duvha la thengululo yanu. A na pfundo la Mudzimu a tshilaho.”

⁵¹ Zwino, elelwani, Muya Mukhethwa a wo ngo funzwa sa Ndovhedzo ya Muya Mukhethwa u swika Nndwa ya Shango ya 1. Ro sokou pembelela yashu—mihuvhlo mihulu yashu, miñwaha ya fuiña, kana miñwaha ya futhanu ya mihuvhlo.

...huno a huwelela nga ipfi lihulu kha avho vharunwa vhana, vhe vha newa uri vha tshinyadze lifhasi kana lwanzhe,

A tshi ri, Ni so ngo tshinyadza lifhasi, kana lwanzhe, kana muri, u swika ri tshi pfunela vhalanda... (zwino ni khou tsela phasi kha mbudziso yanu, “vhana,” ni a vhona)...*vhalanda vha Mudzimu washu kha phanda dzavho.* (ni so ngo tshinyadza, ni so ngo tshinyadza lifhasi, ni so ngo tendela bomo ya athomo i tshi thuthuba, a ri athu vha na zwithu zwe fhelelaho u swika vhalanda vha Mudzimu washu vha tshi pfunelwa)

⁵² Zwino, arali ra nga humisela izwo murahu huno ra zwi tshimbidza murahu hafho, uri hani—hani na hone *U Fhela Ha Nndwa ya Shango*, kha volumu ya vhuvhili, musi Mulangammbi Allenby o lwa u swika a tshi swika kha mitalo ya Yerusalem, huno a sokou humela murahu kha Khosi ya England, huno a ri, “A thi ḥodi u thuntsha kha iyo dorobo, zwi tshi tevhela vhukhethwa hayo.” A ri, “Ndi do ita mini?”

⁵³ A ri, “Rabela.”

⁵⁴ Huno a fhufha n̄tha hayo hafhu, huno musi vha tshi ralo, vha ri, “Allenby u khou da.” Huno ngomu afho ho vha hu na Vhomuhamede, vha dzhia u nga o ri, “Allah u khou da.” Huno vha imisa tshiphuga tshitshena huno vha tenda u kundwa huno Allenby a dzhena Yerusalem huno a i dzhia a so ngo thuntsha, u ya nga tshiporofito, ndi zwone, huno a li humisela kha Vhayuda.

⁵⁵ Zwenezwo ha vuwa Hitler uri a tovhole Vhayuda, huno hothe u mona na shango, huno a vha humisela murahu hafho.

⁵⁶ Huno Bivhili yo amba uri U do “vha vhuyisa nga phapha dza goni.” Huno musi vha tshi thoma u vhuya murahu... Yone *Life Magazine* na vhenevho vho zwi ñwala vhege ḥukhu dzo fhiraho, vha vha vhuisa nga vha na zwigidi, vha tshi da Yerusalem, huno vha hwala vhaaluwa nga miñana yavho. Vha vhudziswa. Ndi nazwo zwe the kha tshikate na kha tshifanyiso. Huno a ri... Ho ñembelela tshiphuga tsha naledzi n̄na dza Davita, tsho ñembelela heneffo; tshiphuga tsha kale vhukuma shangoni, lwa u tou thoma tshi tshi fhefhediswa kha miñwaha ya zwigidi zwivhili.

⁵⁷ Yesu o ri, “Musi muhuyu u tshi ḥuma lurere, hoyu murafho a u nga fhiri.”

⁵⁸ Huno khevha vha tshi khou dzhenisa vhaaluwa ngomu, nahone vha ri, “Ndi mini? Ni khou vhuya murahu u fela kha shangohaya?”

⁵⁹ Vha ri, “Hai, ro ḫa u vhona Mesia.”

⁶⁰ Huno, murathu, ndi a ni vhudza, ri munangoni! Khevho vhalanda, avho vho lindelaho phasi afho. Hu si hetshi tshigwada tsha Vhayuda vhanne vha ni fhura kha manq anu a mafanedza arali vha tshi kona, hoyo a si Muyuda ane A khou amba ngae. Fhedzi ndi havho vha re phasi hafho vho tevhedzaho yone—yone milayo na zwiñwe, huno vha si vhuye vha zwi ḫivha uri hu na Mesia.

⁶¹ Huno Mukomana . . . ngei Stockholm, Mukomana Petrus, o vha rumela Thestamente Ntswa dza milioni, huno musi vha tshi dzi wana vho vha vha tshi khou dzi vhala. Vha ri, “Zwo luga, arali hoyu a Mesia, kha ri vhone a tshi ita tshiga tsha muporofita, huno ri do mu tenda.”

⁶² Tshikwekwe tsha hani tsha vhushumeli hanga! Ndo vha ndi kha awara mbili dza khoro ya Yerusalem, uri ndi dzhene ngomu, huno ndo vha ndi Cairo, Egipita. Huno ndo vha ndi tshi khou tshimbila heneffo, huno Muya Mukhethwa wa ri, “U so ngo ya zwino.”

⁶³ Nda elekanya, “Ndo vha ndi khou tou zwi elekanya. Thikhithi yanga yo no rengiwa, ndi ndilani yanga. Hu na muthu nnda hafho ane a khou ya u ḥangana na nñe, tshigwada tshoṭhe, zwikolo na zwiñwe.”

⁶⁴ Nda tshimbila nda ya phanda zwiñukunyana, huno Muya wa ri, “U so ngo ya! U so ngo ya.”

⁶⁵ Ndi humela murahu kha mushumeli wa thikhithi, nda ri, “Ndi humisa ino thikhithi. Ndi khou ḫoda u ya Athens, Greece, ngei Mars Hill.

⁶⁶ Huno a ri, “Zwo luga, thikhithi yau i ri Yerusalem, muñe wanga.”

⁶⁷ Nda ri, “Ndi khou ḫoda u ya Athens vhudzuloni ha u ya Yerusalem.” Muya Mukhethwa wo lindela, iyo awara a i athu u ḫa. A zwi athu u vha zwone.

⁶⁸ Lavhelesani:

. . . u pfunela vhalanda vha Mudzimu washu kha phanda dzavho,

A tshi ri, U so ngo tshinyadza ḥifhasi, . . . u swika ri . . . pfunela vhalanda vha Mudzimu washu kha phanda dzavho. (roṭhe ri a zwi ḫivha uri ilo ndi Pfundo la Muya Mukhethwa; lavhelesani)

*Huno nda pfa tshivhalo tsha avho vho pfuñelwaho:...
 (zwino, arali vha si Vhayuda, lavhelesani hezwi) ...
 huno ho vha ho pfuñelwa vha zwigidi zwa dana na
 fuña-iña kha tshaka dzothe dza vhana vha Isiraele.
 (a hu na Vhannda khavho. Itsyo ndi tshifhinga tsha
 vhufhelo)*

⁶⁹ Lavhelesani! Lushaka lwa Yuda, vha zwigidi zwa fumimbili; lushaka lwa Rubeni, vha zwigidi zwa fumimbili; na u tsela fhasi, Gadi, vha zwigidi zwa fumimbili; Nafutali, na—na—na vhothe u tsela fhasi kha Isakhara, na—na Zebuloni, na hedzi tshaka dzothe dza fumimbili dza Isiraele. Huno fumimbili i tshi andiswa lwa fumimbili ndi mini? Zwigidi zwa dana na fuña-iña. Hu na vha zwigidi zwa dana na fuña-iña, Vhayuda! Hu si Vhannda, Vhayuda! Izwo a zwi na vhukwamani na Muselwa. Zwo ralo Thanzi ya Yehova yo khakheya kha pfunzo dzavho. Bivhili i amba zwi khagala uri ndi “Vhayuda,” a si Vhannda. Ndi vhalanda vha Mudzimu, huno Vhannda a vho ngo vhuya vha dzhiiwa sa vhalanda. Ri vharwa na vhananyana, a ri vhalanda.

⁷⁰ Zwino vhalani yothe u tsa Nayo. Vhunga muthu a tshi khou la bvani, a ri, “Li khou difha, fhedzi kha ri wane linwe.” Zwo luga, Mudzimu u na vhunzhi Hazwo hafha. Zwino, dzhielani nzhele. Zwino, zwino ri kha ndimana ya vhu8:

*Huno kha lushaka lwa Zebuloni...ho pfuñelwa vha
 zwigidi zwa fumimbili. Kha tshaka dzothe dza Yosefa ho
 pfuñelwa vha zwigidi zwa fumimbili. Kha lushaka lwa
 Benyamini ho pfuñelwa vha zwigidi zwa fumimbili.*

⁷¹ Ni a vhona, Yohane, ngauri a vha Muyuda, o vha limuwa vhothe, o vhona tshaka dza fumimbili dza Isiraele; vha zwigidi zwa fumimbili u bva kha lushaka lunwe na lunwe, fumimbili i tshi andiswa lwa fumimbili ndi zwigidi zwa dana na fuña-iña. Khevho heneffho, a si Tshividzo, Vhayuda. Bivhili yo amba hafha, vhothe vho vha vha “vhana vha Isiraele,” lushaka lunwe na lunwe lwo ambiwa.

⁷² Zwino lavhelesani, ndimana ya vhu9:

Nga murahu ha hezwi (zwino hafha hu bvelela Muselwa)... .

*Nga murahu ha hezwi nda vhona,...vhona, gogo
 lihulu, line a hu na muthu ane a kona u li vhala,...*

⁷³ Kheyo magota a thembele, a tou vha zwigidi zwa dana na fuña-iña, fhethu hułuku, vhalindi vhałuku vha thembele vhane vha khou ya u vha vha na Muselwa; vha tou vha Wawe—mu fhelekedzi Wawe. Havho ndi vha zwigidi zwa dana na fuña-iña, ndi vhafhelekedzi vha Muselwa; magota a thembele.

⁷⁴ Lavhelesani! Zwo tou ralo, ndi a zwi divha uri ni humela murahu hafha kha ya vhu14, na ri, “Ngani, vha tshimbila na Muselwa hothe hune vha ya...” Ngangoho! Magota a tshimbila

na khosikadzi hothe hune ya ya. Ngoho! Fhedzi vho vha vha mini? Vho vha vha si zwinwe zwithu fhedzi vha fheletshedzi, nahone vha tou vha zwine Luñwalo lwa khwañhisedza uri vha do vha zwone hafha.

⁷⁵ Dzhielani nzhele:

Huno nga murahu ha hezwi...huno, nda vhona, gogo lihulu, line a hu na muthu aye a nga li vhala, la tshaka dzothe,...mitupo,...vhathu, na ndimi,... (khoyo Muselwa wanu wa Vhannda u khou bvelela, two luga) ...havha vha ima...phanda ha Ngwana, (khoyo Mutshidzi wavho, Ngwana, a si mulayo; Ngwana, Tshilidzi) ...vho ambara nguvho tshena,... (lavhelesani, nga miniti i si gathi, vhonani arali nguvho tshena hu si zwivhuya zwa mukhethwa)...na matavhi kha zwanda zwavho;

Huno vha huwelela nga ipfi lihulu,...(arali iyi i si mvuseledzo ya Pentekosta, a thi athu u pfa inwe)... vha tshi ri, u Tshidzwa hu bva kha Mudzimu washu o dzulaho kha khuluñoni, na kha Ngwana.

Huno vharunwa vhothe vha ima u mona na khuluñoni, na u mona na vhahulwane na zwivhanda zwinä,... vha wa kha... phanda ha khuluñoni nga zwifhatuwo zwavho, huno vha losha Mudzimu,

Vha tshi ri, Amen: Phat hutshedzo,...vhugala,... vhutali,...ndivhuwo,...khuliso,...nungo, maanda, kha zwi ye kha Mudzimu washu lwa tshothe. Amen.

⁷⁶ Izwo zwi pfala sa tshifhinga tsha muñangano wa khuvhangano, a zwi ralo? Zwi khou ya u ralo! Üyo o vha a nnyi? Vha zwigidi zwa ñana na fuiña-inä? Na luthihi! Hetshi tshivhalo tshihulu tshire a hu na muthu...kha mitupo yothe, dzindimi, na dzitshaka. A ni koni u zwi vhona, khonani yanga i funeaho?

⁷⁷ Zwino lavhelesani, itanu Zwi vhala. Zwino:

Huno muñwe wa vhahulwane a fhindula, a ri kha nne, Avha ndi vhafhio nahone...vho diñamaho nga nguvho tshena? Nahone vha bva ngafhi?

⁷⁸ Muhulwane a amba na Yohane, we a vha a Muyuda we a limuwa vha zwigidi zwa ñana na fuiña-inä, a ri, "Zwino, u ya vha ñivha, vhothe ndi Vhayuda. Fhedzi avha ndi vhonnyi? Vha bva ngafhi?" Ni a vhona zwe muhulwane a amba? "Muñwe wa vhahulwane a fhindula," (avho ndi vhahulwane phanda ha Khuluñoni) "a mphindula, a ri, 'Ndi vhonnyi avha vho diñamaho nga nguvho tshena? Nahone vha bva ngafhi? Zwino, rothe ri a ñivha Vhayuda na mulanga wavho na zwinwe, fhedzi avha vho bvelela lini?" Zwino lavhelesani:

Huno nda ri khae, Muñe wanga, iwe u ya ñivha. (“A—a thi ralo,” Yohane a ri, “zwo mphira. A thi ñivhi.”) *Huno a ri kha nñe, Havha ndi vhone vhe vha bva kha mat̄hupho mahulu,* (“Kha milingo na khakhathi nnzhi hedzi, mañtungu na mathada, ndo dzula ndo bvelela.” Ni a vhonā?) . . . havha vha bva *kha mat̄hupho mahulu, nahone vho tanzwa nguvho dzavho,* . . . (tshivhidzoni? Izwo zwi pfala nga ndila yone?) . . . *vho tanzwa nguvho dzavho, nahone vha dzi ita tshena kha malofha a Ngwana.*

. . . vha tou vha phanda ha khuluñoni ya Mudzimu, nahone vha Mu shumēla masiari na vhusiku. . . (ndi nnyi a ntshumelaho hayani hanga? Mufumakadzi wanga. Ndi zwone?) . . . huno thembeleni Yawe: . . . (ndi ene a dzulaho na nñe hayani hanga na kha makwevho anga, ndi mufumakadzi wanga. Ndi ene a dzulaho na nñe, huno a kuvha zwiambaro zwanga, nahone a nnđugisela zwithu) . . . *huno uyo o dzulaho kha khuluñoni u do dzula navho.* (Oo, nñe-nñe, thetshelesani!)

Huno a vha tsha do pfa ndala, . . . (zwi vhonala u nga vho kundelwa nga zwiñwe zwiñwanyana musi vha tshi bvelela) . . . nahone a vha *tsha do pfa ñoro;* nahone *ñuvha a li tsha do vha penyela, kana muñwe mufhiso.*

Ngauri Ngwana ine ya vha vhukati ha khulunoni i do vha kanzwa, nahone i do vha isa kha zwisima zwa mađi: huno Mudzimu u do fhuluña . . . miđodzi yoñthe mađoni avho. (Khoyo heneñho, khoyo Muselwa wañu)

⁷⁹ Khevho vha zwigidi zwa qana na fuiña-inä, khevho vhalanda vhañu. Ngauralo “vhana vha Muyhuso” hafha, muthu a funeaho we a vhudzisa mbudziso, ndi. . . we a vhudzisa mbudziso yo raliho. Ndi elekanya uri ndi nga vha ndo i sia murahu hafha kha. . . huñwe fhethu, fhedzi “vha tshi do sukumedzelwa nnnda,” a zwi ambi uri vha do bviswa kha muhumbulo wa Mudzimu. Vho bviswa kha mbuyelo dza tshimuya lwa tshifhinga. Ni a vhonā, lwa tshifhinganyana.

⁸⁰ Ngauri, musi muporofita a tshi vhonā Isiraele nga ilo ñuvha le a vha a tshi khou da khalo, o ri, “Zwo luga, Isiraele i do ralo musi Savhatha i tshi fheliswa, huno—huno vha rengisa nga Savhatha u fana na ñuvha liñwe na linwe, na hezwi zwithu zwoñthe.” A ri, “Zwo luga, U do ralo—U do vhuya wa ralo. . . Isiraele i do hangwiwa lwa tshoñthe?”

⁸¹ A ri, “U ya ñadulu zwo lapfa hani? Lifhasi lo dzivhafhala hani? Zwi kale nga lubađa lu re phanda hau.”

A ri, “Ndi nga si kone!”

⁸² A ri, “Na Nñe ndi nga si hangwe Isiraele.” Zwi nga si vhuye zwa ralo! Isiraele ha nga hangwiwi.

⁸³ Zwo ralo, ni a vhona, *lini na lini* na *Nga Hu Sa Fheli* ndi zwithu zwivhili two fhambanaho. Isiraele o sukumedzelwa nn̄da, fhedzi hu si u bva kha muhumbulo wa Mudzimu. Nahone Paulo o zwi amba hafha, arali ndi na...ndi na tshifhinga tsha u guda, uri ndi ḥavhanye u dzhena kha Luñwalo lune... Ndi nga ni sumbedza one, ni a vhona, izwo two ḫa muhumbuloni wanga.

⁸⁴ Paulo a tshi khou amba hafha, uri Vhannd̄a vha dzhiele nzhele, nga ndila ine ra tshimbila ngayo na zwine ra ita. Ni a vhona? Ngauri arali Mudzimu a so ngo litsha tavhi ḫa u thoma, ni a vhona, huno riñe ro tou ḫumetshedzwa ngomu, ni a vhona,... Huno Isiraele, yē ya pofudzwa lwa tshifhinganyana, o ralo. Lwa tshifhinganyana, Isiraele yo pofudzwa. Ndi zwone, fhedzi luvhemba lu ḫo bviswa kha maṭo avho. Huno hezwo zwi ḫo ralo musi Wannd̄a wa u fhedza a tshi bebelwa Muyhusoni wa Mudzimu, zwenezwo luvhemba lwavho lwa tibulwa kha maṭo a Isiraele. Huno vha ḫo ri, "Hoyu ndi Mesia Ane ro lavhelesa uri ri mu vhone." Ndi zwone, fhedzi muñango wa Vhannd̄a wo valiwa (gungwa lo—lo valiwa), a hu tshe na—a hu tshe na tshilidzi tsho salaho kha Vhannd̄a nga itsho tshifhinga.

⁸⁵ Zwino, ndo dzhia tshifhinga tshinzhi kha mbudziso nthihi. Huno muñwe muthu u ri, "Zwino a u swika kha yanga." Zwo luga, ri ḫo ḥavhanya huno ra vhona arali ri nga si swike khayo.

⁸⁶ Zwo luga, kheyi—kheyi ndapfu. Huno tshipiḍa tshiñwe na tshinwe tshazwo tshe musadzi a vhudzisa kana munna a vhudzisa, kana a nga vha a nnyi kana nnyi, ndi zwone.

53. A si ngoho zwauri Murena Yesu ho ngo fela shango lothe, zwi tshi amba muthu muñwe na muñwe shangoni, fhedzi o ralo... (zwino, izwo ndi ḫo zwi ḫalutshedza, fhedzi o...ene kana ene, a nga vha nnyi kana nnyi... Zwi vhonala u nga ndi musadzi o ḫwalaho)... **fhedzi kha—fhedzi kha havha kha zwipiḍa zwe the zwa shango, vhe A newa nga Khotsi? Havha vhe shango li sa athu u sikwa, Mudzimu o vha tela Vhutshilo Vhu Sa Fheli, vhe a vha ta zwi tshi tevhela u takalela Hawe Ene mune?**

⁸⁷ Zwo tou ralo, ndi zwone! Ndi zwone kokotolo. Yesu o fela... hu si kha... U na ndivho.

⁸⁸ Kha ri vhone, ndi tenda kha... Ndi—ndi tenda vho vhala... mbudziso yo bva kha hezwi:

54. Luñwalo lwo ri vhudza zwi sa timatimisi uri havha ndi havho vhane vhs sa ḫo—ndi havho vha sa ḫo tshidzwaho. Ngauralo...

⁸⁹ Ndi zwone kokotolo. Luñwalo lu ri vhudza uri hu na vhathu vho tiwaho nga Mudzimu uri vha hañulwe.

⁹⁰ Ni a tama u zwi vhala, uri zwi dzule zwi muhumbuloni wañu? Zwo luga, zwino kha ri vule kha Bugu ya—ya Yuda, Yuda u khou amba hafha.

Yuda, mulanda wa Yesu Kristo, ene murathu wa Yakobo, kha avho vho itwaho vhakhethwa nga Mudzimu Khotsi, nahone vha vhulungwa kha Yesu Kristo, nahone vha vhidzwa:

⁹¹ Ni a vhona uri U zwi ḋivhisa kha vhonnyi? Hu si muitazwivhi, hu si tshumelo ya vhuvevangelī fhedzi, fhedzi kha vho khethethadzwaho na u vhidzwa. Ni a vhona, havho vha re kha Muvhuso.

Khathutshelo kha vho inwi, na mulalo, na lufuno, zwi ande.

Vhafuṇwa, . . . Ndi tama u ni nwalela zwi hulu nga ha u tshidzwa, zwo vha zwi zwa ndeme uri ndi ni nwalele, na u ni ṭuṭuwedza . . . ni ralo u lwela lutendo lwe lwa vhuya lwa ḡetshedzwa kha vhakhethwa.

Ngauri hu na vhanna vho susumelaho zwi sa vhonali, vhane tsha kale na kale vho vhetshelwa iyi khathulo, . . . (hani?) . . . vha tshi shandukisa tshilidzi tsha Mudzimu washu vha tshi ita zwa dzinyemulo, . . .

⁹² Vho tiwaho tsha kale! A si uri Mudzimu o dzula murahu kha khuluṇoni, huno a ri, “Ndi do tshidza hoyu muthu, Ndi do lozwa hoyu muthu.” A si hezwo! Mudzimu o fa, huno musi Yesu a tshi fa, tshipfumelo tsho tiba liphasi loṭhe tshi tshi itela muthu muṇwe na muṇwe. Fhedzi Muḍzimu, nga u ḋivhela phanda . . . Hu si uri U ya funa . . . Ha funi uri hu vhe na o no lovha. U khou ṭoča muthu muṇwe na muṇwe a tshi tshidzwa. Iyo yo vha i Yawe—iyo yo vha i ndivho Yawe ya u ya Nga Hu Sa Fheli. Fhedzi arali O vha a Mudzimu, U ya ḋivha ane a do ralo na a sa do tshidzwaho. Arali A sa ḋivhi, zwenezwo o vha A si Mudzimu a si na magumo. Bivhili i funza izwo. Uri ri do ralo . . .

⁹³ Arali ri na tshifhinga tsha u vula kha Vharoma, ndima ya vhu8, huno ni nga i vhala. Vharoma, ndima ya vhu9, fhethe hunzhi kha Bivhili. Vhaefesa, ndima ya vhu1. Huno ni nga kona u vhona uri u khetha ha Mudzimu, uri hu khwaṭhe, Mudzimu o ḡetshedza mulanga zwi si na maga. O rumela Yesu uri a fele havho vhe A dzula o vha ḋivha. Ni a vhona?

⁹⁴ A si u sokou ri, “Zwo luga, u amba uri Mudzimu ha divhi uri u do tshidzwa kana hai?” Mudzimu o zwi ḋivha uri ni do tshidzwa, kana uri ni do ralo kana hai, phanda ha musi shango li tshi thoma, kana O vha a si Mudzimu.

⁹⁵ Ni a zwi ḋivha uri ipfi u sa vha na *magumo* li amba mini? Lavhelesani kha . . . lavhelesani kha ḡthalusamaipfi huno ni wanuluse uri ipfi u sa vha na *magumo* zwi amba mini. Ngani, U ḋivha tshifhufhi tshiṇwe na tshiṇwe tshire tsha do vha hone kha liphasi, thunzi iñwe na iñwe, tshikhokhonono tshiṇwe na tshiṇwe, tshitzhili tshiṇwe na tshiṇwe. O zwi ḋivha phanda ha musi zwi tshi thoma u tshila, kana O vha a si Mudzimu. Zwo tou ralo, O zwi ḋivha. Zwo luga.

⁹⁶ Zwenezwo, ngomu afho, Mudzimu o vha a sa koni—koni u ri, “Ndi do dzhia *iwe*, nahone nda rumela iwe heleni; huno Ndi do dzhia *iwe*, huno nda rumela iwe Tađulu.” Mudzimu o ni ḥoda ni tshi ya Tađulu nothe. Fhedzi nga u divhela phanda O divha uri hoyu u do vha muthu a si na mikhwa, nahone muňwe u do vha nzhinga na Mukriste. Ni a vhona? Zwo ralo A tea u rumela Yesu uri a fe, uri a tshidze muthu we A dzula o mu divha we a ḥoda u tshidzwa. Ni khou zwi pfa?

Zwino lavhelesani hafha:

Maňwalo o ri vhudza zwi sa timatimisi uri havha ndi vhone vhane vha sa do tshidzwa.

55. Zwenezwo arali tshipfumelo tsho tiba lwothe...lutsinga lwa Adamu lwothe, huno vhaňwe vha xela ngauri a vho ngo divhonadza kha pfulufhedziso, kana mveledzo, a vha nga ralo...khaňwe-...vhofholowa...u do ralo...a do vha maanda manzhi u fhira dzindivho dza u ya Nga Hu Sa Fheli na tshipikwa tsha Mudzimu Ramaanda othe? A zwi nga do ralo... (Muthu zwino, kha heyi mbudziso ya vhuvhili, u khou vhudzisa.) Lufuno lwa muthu a lu nga do vha maanda manzhi u fhira dzindivho dza u ya Nga Hu Sa Fheli na tshipikwa tsha Mudzimu Ramaanda othe?

⁹⁷ Hai, murathu wanga kana khaladzi. A zwo ngo ralo! A hu na tshithu tshi na maanda manzhi... Lufuno lwa muthu lu nga si vhuye lwa vhambedzeya na—na tshipikwa tsha u ya Nga Hu Sa Fheli tsha khaňhulo ya Mudzimu. Zwi nga si ralo, ni a vhona.

⁹⁸ Zwino, mbudziso yanu ya u thoma yo vha i yone. Mbudziso yanu ya vhuvhili i nga si ralo, khonani. Ngauri lavhelesani, lavhelesani nga ndila ye zwa ḥwaliwa hafha, ni a vhona: “Naa lufuno lwa muthu a lu nga do vha na maanda manzhi u fhira ndivho dza u ya Nga Hu Sa Fheli na tshipikwa tsha Mudzimu Ramaanda?” Ngani, a zwo ngo ralo. Lufuno lwa muthu lu nga vha hani na maanda manzhi u fhira tshipikwa tsha Mudzimu Ramaanda othe? Huno muthu kha nyimele yawe ya ḥama u funa zwine a ḥoda u ralo, nga maanda u fhira zwine wa u ya Nga Hu Sa Fheli, Mudzimu o khunyelelaho a ralo? Zwi nga si ralo! Zwi nga vhuye zwa ralo, ni a vhona. Mudzimu wa u ya Nga Hu Sa Fheli, Ane ndivho yawe yo khunyelela, ni nga amba hani uri—uri muthu wa ḥama fhasi hafha, zwi si na ndavha uri o luga hani (na zwine a nga vha zwone), zwigikwa zwawe a zwi vhuyi zwa vhambedzwa na hezwi: yone—yone ndivho ya Mudzimu Ramaanda nahone wa u ya Nga Hu Sa Fheli.

⁹⁹ [Khaladzi u amba vhukati ha tshivhidzo—Mudz.] Ee. [“Ndi humbela pfarelo. Ndi khou ḥoda u vhudzisa mbudziso, huno—huno a wo ngo pfesesa zwine nda amba.”] Ee, zwo luga, khaladzi. [“Izwo a thi zwi tendi na luthihi, ndi amba ‘Ndivho ya Mudzimu ya u ya Nga Hu Sa Fheli i khou fhira lufuno lwa muthu.’”]

¹⁰⁰ Ndi zwone. Oo, zwo luga, ndo—ndo zwi vhala lwo khakheyaho, ni a vhona. Zwo luga. Ee, u khou amba zwone hafho, khaladzi. Ndo vha ndi sa zwi ḫivhi uri yo vha i yau—mbudziso yau. Zwo luga. Fhedzi, ni a vhona, ndo zwi wana ngafhi afha, ni a vhona, . . . Zwino i ri ni ndi vhone, “U tiba lushaka lwothe lwa Adamu, huno vhañwe vho xela ngauri a vho ngo ḫivhonadza vhone vhañe—vhone vhañe kha mveledziso yazwo, lufuno lwa muthu a lu nga ḫo vha na maanda manzhi u fhira ndivho dza u ya nga Hu Sa Fheli na tshipikwa tsha Mudzimu Ramaanda?” Ni a vhona, ndo—ndo ṭalutshedza nga ndila i si yone ngelekanyo yau hafho. Ee, tshipikwa tsha u ya Nga Hu Sa Fheli tsha Mudzimu Ramaanda. Zwo luga, ndi zwenezwo.

¹⁰¹ Ndi a kholwa muñwe na muñwe izwo u ya zwi pfesesa. Ni tshi ralo, imisani zwanda zwañu. Ndi—ndi tshipikwa tsha u ya Nga Hu Sa Fheli tsha Mudzimu Ramaanda oñhe, tshi ḫo ralo u vha n̄ha—ralo u vha n̄ha ha zwine muthu a nga ita.

Zwino:

56. A thi pfesesi tshedza kha ndovhedzo ya madini, kha ndima ya vhu²⁸ . . . ndimana ya vhu¹⁹, ya Mateo. Izwi zwi amba mini?

¹⁰² Zwo luga, zwino, khañwe a zwi nga ndzhieli tshifhinga tshilapfu fhedzi miniti. Huno muñwe muthu kha vule na nne arali ni tshi ḫo ralo, kha Mateo, ndima ya vhu²⁸, nahone ndimana ya vhu¹⁹. Huno ri ḫo wanulusa, uri muthu ndi nnyi . . . fumbili—thanu. . . . Zwino, Hezwi zwi ḫo ita uri ni khwañthe arali na dzula Nazwo. Ndi—Ndi zwavhuñi, ni a vhona. A si vhuevangeli, fhedzi Ndi . . .

¹⁰³ Zwino ri khou. . . . Zwino hafha ndi hune vhathu vha lingedza u ri, “Hu na khanedzano kha Bivhili.” Zwino, ndi khou ṭoda muñwe muthu a tshi vula kha . . . kha Mateo 28:19. Kana, hai, ndi khou ṭoda muñwe muthu . . . Mateo 28:19. Ndi khou ṭoda muñwe muthu a tshi vula kha Mishumo 2:38. Ni na Bivhili yañu afho, Mukomana Neville?

¹⁰⁴ Nahone ndi khou ṭoda ni tshi ḫivhalela zwino. “Huno ndi ḫo ni sumbedza khanedzano yo omaho kha Bivhili. Na zwine yone—yone Bivhili. . . . Vhathu vha ri ‘Bivhili a i ḫihanedzi,’ ndi khou ṭoda ni tshi dzhiela nzhele kha hezwi.”

¹⁰⁵ Huno hezwi zwi ita uri vhañali vha bve mmvi. Fhedzi Zwo—Zwo leluwa. Zwino ndi ḫo vhala Mateo 28:19, ntevheleni. Huno vhañwe vha vhoiñwi kha Mishumo 2:38, no no swika khayo. Ndi ḫo thoma kha ndimana ya vhu¹⁸, heyi ndi ndima ya u vala ya Mateo:

*Huno Yesu a bvelela nahone a amba na vhawé
vhafu—. . . a amba navho, a ri, maanda Othe o newa nne
ngei ṭadulu na kha lifhasi. (maanda a Khotsi a ngafhi?)*

¹⁰⁶ Arali maanda othe a Tađulu na a lifhasi o newa Yesu, Mudzimu o fhelelwa nga maanda henehfo Ho ngo ralo? Kana O vha a khou sokou amba tshifori? O vha a khou swaswa? U khou amba Zwenezwo! A ni tendi uri U khou amba Zwenezwo? Zwo luga, arali maanda othe o newa Ene, maanda a Mudzimu a ngafhi-ha? O vha a Mudzimu! Ndi zwone. Ndi zwenezwo fhedzi. Hu tou vha na zwenezwo fhedzi. Ni a vhona, O vha a Mudzimu; kana hu na muňwe muthu o dzulaho henehfo, a na maňwe maanda, fhedzi ha tshe na. Ni a vhona? Ngauralo ni nga si—ni nga sì Zwi bule. Ri do amba izwo kha hezwi zwithu zwithihi. Zwo luga:

...Maanda othe a ngei Tađulu na kha lifhasi o... a tađulu na kha lifhasi.

Tshimbilani-ha,... ni funze tshaka dzothe, ni tshi vha lovhedza nga dzina la Khotsi, na la Murwa, na la Muya Mukhethwa:

Ni vha funze u ita zwithu zwe Nda ni laya:... vhonani, Ndi na inwi tshifhinga tshothe, u swika na magumoni a shango.

¹⁰⁷ Mishumo 2:38, zwino muňwe muthu kha vhale. Imaninyana. Mishumo, ndima ya vhu2, ndimana ya vhu38. Zwino, thetshellesani nga maanda zwino, nahone ni lindele, huno ri do vhona zwino. Zwino, hafha ho no fhela maduvha a fumi musi Yesu o vha vhudza zwino, Mateo 28:19, “Tshimbilani-ha, ni funze tshaka dzothe, ni tshi vha lovhedza nga dzina la Khotsi, la Murwa, na la Muya Mukhethwa.”

¹⁰⁸ Zwino, Petro, nga murahu ha maduvha a fumi. . . A vho ngo rera iňwe pfunzo. Vho ya kha lufhera lwa nthia lwa Yerusalem, huno vha lindela henehfo (lwa maduvha a fumi) wone Muya Mukhethwa uri u de. Ndi vhangana vho no divha izwo? Henehfa. Khoyu Petro, Petro u na khoňo dza Muvhuso. Zwo luga, ri do vhona zwine a ita. Mateo, kana ndi amba Mishumo 2, kha ri vule ndimana ya vhu36:

Zwenezwo-ha nnđu yothe ya Isiraele kha i zwi divhe ngangoho, uri Mudzimu o ita hoyu Yesu muthihî, ene we...na mu vhamba, zwe the Murena na Kristo.

“Zwothe Murena na Kristo.” Ngazwo, maanda othe a ngei maňadulu na kha lifhasi o newa Ene.

Zwino musi vha tshi pfa izwi, vha thavheya mbiluni dzavho, nahone vha amba na Petro na...na vhaapostola vhothe, Vhanna na vharathu, ri do ita mini?

Petro a fhindula... Petro a ri khavho; Shandukani, muňwe na muňwe wa vhoinwi, huno ni lovhedzwe nga dzina la Yesu Kristo u itela khangwelo ya zwivhi, huno ni do ťanganedza tshifhiwa tsha Muya Mukhethwa.

¹⁰⁹ “Zwino, kheyo khanedzano. Mateo o ri, ‘lovhedzani nga dzina la Khotsi, Murwa, Muya Mukhethwa,’ huno Petro a amba kha Mishumo 2:38, ho no fhela maduvha a fumi, ‘Shandukani, nahone ni lovhedzwe nga Dzina la Yesu Kristo.’”

¹¹⁰ Zwenezwo tshifhinga tshi no tevhela hune thembuluwo ya ambiwa—ya ambiwa, kana, ndovhedzo, kha Bivhili, ndi Mishumo kha—kha ndima ya vhu8, musi Filipi a tshi tsela phasi huno a rera kha...kha—kha Vhasamaria. Huno vha ḥanganedza Muya Mukhethwa, huno vha lovhedzwa nga Dzina la Yesu Kristo.

¹¹¹ Tshifhinga tshi no tevhela he ya ambiwa, ho vha musi Vhannda vha tshi ḥanganedza, Mishumo 10:49:

Huno musi Petro...o amba haya maipfi, vhonani,
Muya Mukhethwa wa wela kha...vhone...huno vhe
vha vha pfa.

Ngauri vho vha pfa vha tshi amba nga dzindimi,
nahone vha tshi hulisa Mudzimu. Zwenezwo Petro a ri,

Muthu a nga thiwhela madi, ri tshi vhona uri havha...
vho ḥanganedza Muya Mukhethwa u fana na zwe ra ita
u rangani?

Huno a vha laya uri vha lovhedzwe nga dzina la
Murena Yesu Kristo.

¹¹² Zwino i ri ni ndi wane tshiñwe tshithu hafha, ndi tou ni sumbedza tshiñwe tshithu tshiñkuuri ni si zwi hangwe; ndi khou ya u ita tsumbedziso thukhu. Ndi khou ya u vheya...Hu na mirafh-...tshaka dza vhatu dzine dza vha hone shangoni? Hu na tharu: Hamu, Semu, na vhatu vha Yafethe. Ndi vhangana vho no zwi ñivha izwo? Ri bva kha havho vharwa vhararu vha Noaxe. Vhatu vha Hamu, vhatu vha Semu...Vhatu vha Yafethe ndi vha Anglo-Saxon, vhatu vha Semu ndi...Mirafho miraru, ndi: Vhayuda, Vhannda, na hafu ya Muyuda na Wannda. Zwino, dzhielani nzhele, musi izwo hu na...huno hoyu ndi Hamu...Semu, Hamu, na Yafethe.

¹¹³ Zwino, tshifhinga tsha u thoma musi ndovhedzo i tshi ambiwa, yo ambiwa nga Yohane Mulovhedzi. Ndi vhangana vho no ñivha uri izwo ndi ngoho? Zwo luga, ndi khou ya u zwi vheya hafha, henefha, Yohane Mulovhedzi. Huno Yohane o lovhedza vhatu mulamboni wa Yorodane, a tshi vha laya uri vha tea u shanduka huno vha dzudzanye na Mudzimu, nahone vha rengise thundu dzavho, huno vha kanzwe vhashai, huno masole a fushea nga tshelede dzao, na u dzudzanya na Mudzimu. Ndi vhangana vho no zwi ñivha izwo? Huno a vha lovhedza ngei mulamboni wa Yorodane, hu si u vha shasha, hu si u vha shela, fhedzi u vha ngwandamedza! Arali ni sa Zwi tendi, thaluso ya lexicon kheyi hafha, wanulusani arali i u lovhedza, zwine zwa amba “u lovhedza, u ngwandamedza, u dzhenisa phasi, u swiṭa.” Zwino, lwa u thoma musi ndovhedzo i tshi ambiwa, ho vha henefho.

¹¹⁴ Lwa vhuvhili ndovhedzo i tshi ambiwa, ndi Yesu a tshi khou i laedza, Mateo 28:19.

¹¹⁵ Lu no tevhela ndovhedzo i tshi ambiwa, ndi kha Mishumo 2:38.

¹¹⁶ Lu no tevhela musi ndovhedzo i tshi ambiwa, ndi kha ndima ya vhu8 ya Mishumo.

¹¹⁷ Lu no tevhela ndovhedzo i tshi ambiwa, ndi kha—kha ndima ya vhu10 ya Mishumo.

¹¹⁸ Huno ri da kha tshifhinga tshe Yesu a amba, hafha, “Tshimbilani-ha, ni funze tshaka dzothe, ni tshi vha lovhedza nga Dzina la Khotsi, na la Murwa, Muya Mukhethwa.”

¹¹⁹ Zwino kha ri dzudzanye holu Luñwalo, u thoma. Ndo ni vhudza uri “a hu na Luñwalo na luthihi kha Bivhili lune lwa hanedza luñwe.” Ndi khou ḥoda ni tshi zwi disa kha mne. Ndo humbela izwo lwa miñwaha ya fumbili-rathī, huno a thi athu u lu wana. A hu na Luñwalo lune lwa hane-... Arali lu Tshi hanedza, zwenezwo ndi zwithu two ñwaliwaho nga muthu. Hai, muñe wanga, a hu na khanedzano kha Bivhili!

¹²⁰ Zwino hezwi ni ri, “Mini-ha nga izwo?”

¹²¹ Hafha Yesu o ima u ri, “Tshimbilani-ha, ni funze tshaka dzothe, ni tshi vha lovhedza nga Dzina la Khotsi, Murwa, Muya Mukhethwa.”

¹²² Huno Petro a rembuluwa, huno a ri, “Shandukani, nothe, huno ni lovhedzwe nga Dzina la Yesu Kristo.”

¹²³ “Khuego khanedzano yanu.” I vhonala sa yone. Zwino, arali ni tshi khou vhala nga muhumbulo wa ñama, hu si mbilu yo vuleyaho, zwi ḥo vha khanedzano.

¹²⁴ Fhedzi arali na Li vhala nga muhumbulo wo ḥandavhuwaho, “Muya Mukhethwa wo dzumba hezwi zwithu mañoni a vhañali na vha ndivho,” Yesu o ralo, nahone a livhuwa Mudzimu ngazwo, “huno a Zwi dzumbululela vhuskie vhune ha do guda.” Arali ni na muhumbulo, nahone hu si muhumbulo wa tseda, fhedzi mbilu i funaho u guda, Muya Mukhethwa u do ni funza hezwi zwithu.

¹²⁵ Zwino arali na sa vhambedza... Ni ri, “Ni zwi ñivha hani uri ni kha ngoho?” Zwo luga, zwi tshimbilelana na Luñwalo lwothe. Arali na sa ralo, ni na khanedzano i re khagala hafha.

¹²⁶ Zwino ndi khou ḥoda u ni vhudzisa mbudziso. Heyi ndi ndima ya u fhedza ya Mateo. Ndi do zwi dzhia nga tshivhumbeo tshiñuku, uri muñwe na muñwe wañu... vhana vha Zwi pfectese.

¹²⁷ Sa tsumbo, arali na vhala tshiñori tsha lufuno, huno murahu hatsho ha pfi, “Huno Maria na Yohane vha tshila vho takala.” Zwo luga, ni a ñivhudzisa uri Yohane na Maria ndi vho nnyi vhe vha tshila vho takala. Zwino, arali ni tshi khou ḥoda u ñivha uri Yohane na Maria ndi nnyi, ndi khwiñe ni tshi humela murahu mathomoni a bugu huno ni wanuluse uri Yohane na Maria ndi

nnyi. Zwenezwi ni vhuye hafha murahu huno ni wanuluse uri Maria ho vha hu nnyi, na uri u bva kha muṭa ufhio; na uri Yohane ndi nnyi, na uri u bva kha muṭa ufhio, uri dzina ḥawē ndi nnyi, na uri vho malana hani, na zwiñwe zweṭhe. Ndi zwone?

¹²⁸ Zwo luga, izwo ndi zwithu zwithihi kha u vhala Bivhili hafha. Musi... Lavhelesani, Yesu ho ngo ri, “Tshimbilani ni lovhedze vhathu nga dzina la Khotsi, nga dzina la Murwa, nga dzina la Muya Mukhethwa,” ndi ngila ine vhathu vha vhuraru vha lovhedza ngayo. A hu na Luñwalo lwa hezwo kha Bivhili. Ho ngo ri, “Nga madzina (m-a-d-z-i-n-a), madzina” a Khotsi, Murwa, na Muya Mukhethwa.

¹²⁹ O ri, “Nga (d-z-i-n-a) dzina,” vhuthihi. Lavhelesani kha Bivhili yanu hafho nahone ni wanuluse arali izwo zwi zwone, Mateo 28, “Nga Dzina.”

¹³⁰ A si “nga dzina la Khotsi, nga dzina la Murwa,...” iyo ndi ndila ine mureri wa vhuraru a lovhedza. “Nga dzina la Khotsi, nga dzina la Murwa, na nga dzina la Muya Mukhethwa.” Izwo a zwi ho na kha Bivhili.

¹³¹ “Zwenezwo nga dzina . . .” Ni ri, “Zwo luga, zwenezwo nga dzina la ‘Khotsi, Murwa, na Muya Mukhethwa.’” Zwenezwo hu na Dzina li na vhuṭanzi hafho.

¹³² Zwo luga, *Khotsi* ndi dzina? Ndi vhangana vhane vha ḫivha uri *Khotsi* a si dzina. *Khotsi* ndi vhuimo. *Murwa* a si dzina? Ndi vhangana vhane vha zwi ḫivha uri *Murwa* a si dzina? Hu na vhokhotsi vhangana afha? Imisani tshanda tshanu. Hu na vharwa vhangana afha? Imisani zwanda zwanu. Zwo luga, ndi ufhio muñwe wa vhoiñwi ane a pfi “Murwa”? Ndi ufhio muñwe wa vhoiñwi ane a pfi “Khotsi”? Zwo luga, *Muya Mukhethwa* a si dzina. Muya Mukhethwa ndi Zwine wa vha zwone. Hu na vhathu vhangana afha? imisani tshanda tshanu. Ni a vhona? Khezwo-ha, Muya Mukhethwa ndi Zwine wa vha zwone. *Khotsi*, *Murwa*, na *Muya Mukhethwa*, a hu na na tshithihi tshazwo tshine tsha vha madzina; a hu na dzina khazwo.

¹³³ Zwo luga, zwenezwo, arali O ri, “Vha lovhedze nga Dzina la Khotsi, Murwa na Muya Mukhethwa,” ndi khwiñe ri tshi ya murahu huno ra wana uri Khotsi ndi Nnyi, Murwa, na Muya Mukhethwa. Kha ri vule murahu kha ndima ya vhu1 ya Mateo, ri vhone uri uyu Muthu ndi Nnyi ane ra tea u lovhedza nga Dzina lenelo. Huno ri thoma zwino kha Mateo, ndima ya vhu1, nahone ndimana ya vhu18. Ni vhale zwavhuđi, vhoiñwi noṭhe.

¹³⁴ Zwino, vhoiñwi no vhudzisaho mbudziso, ndi khou ḫoda u neya tsumbedziso ḫukhu hafha. Zwino ndi khou ya u vheya zwithu zwiraru hafha uri ni pfesese khwiñe, (u ita tsumbedziso) hedzi Dzibivhili na dzibugu, dza u ita tsumbedziso ngadzo.

¹³⁵ Zwo luga, ndi khou ḫoda ni tshi lavhelesa kha nñe zwavhuđi, nahone muñwe na muñwe kha ntevhelele zwino. Zwino, *hoyu* hafha ndi Mudzimu Khotsi. *Hoyu* hafha ndi Mudzimu Murwa.

Hoyu hafha ndi Mudzimu Muya Mukhethwa. Zwino, ndi vhangana vhanе vha pfesesa? Ni ntevhedzele. Oyu afha fhasi ndi nnyi? [Tshivhidzo tshi ri, "Muya Mukhethwa."—Mudz.] Muya Mukhethwa. Oyu afha ndi nnyi? [Tshivhidzo tshi ri, "Khotsi."] Oyu afha ndi nnyi? [Tshivhidzo tshi ri, "Murwa."] Zwino, iyo ndi ndila ine vha vhuraru vha zwi tenda ngayo, Ni a vhona, izwo zwi ri ita vha sa tendi, nga ndila ine zwa vha ngayo.

¹³⁶ Muyuda; ndi ngazwo hu si na zwine ni nga ita nga Muyuda. O ri, "Ni nga si tumule Mudzimu a bva zwipiда zwiraru huno na Mu ɿetshedza Muyuda." Fhedzi, zwi nga si ralo, na nne ni nga si nnyite nga u ralo. Ni a vhona? Hai, muñe wanga. Ndi Mudzimu muthihi. Ndi zwone kokotolo. A si Midzimu miraru. Zwino dzhielani nzhele uri—uri—uri Zwo leluwa hani.

¹³⁷ Zwino ri khou ya u wanulusa. Zwino, ane a . . . *Oyo* ndi *Nnyi?* Vharwe vha ya amba zwino. Mudzimu Murwa. Ndi zwone? *Hoyu* ndi Murwa. Zwo luga, zwenezwo Khotsi Awe ndi Mudzimu. Ndi zwone? Ndi vhangana vhanе vha tenda uri Khotsi Awe ndi Mudzimu, imisani tshanda tshanu. Ndi vhangana vhanе vha tenda uri Mudzimu ndi Khotsi a Yesu Kristo? Zwo luga.

Zwino mabebo a Yesu Kristo o ima nga u rali: . . .

¹³⁸ Zwino ri khou humela murahu u wanulusa uri Khotsi ndi *Nnyi*, Murwa, na Muya Mukhethwa, we Mateo a ri "lovhedzani nga Dzina la." Ni a vhona, Dzina; hu si madzina zwino, ngauri a nga si vhe madzina, ngauri afho a hu na dzina.

Zwino mabebo a Yesu Kristo o ima nga u rali: Musi . . . mme ave Maria o fulufhedziswa nga Yosefa, musi vha sa athu u ḥangana, o wanala a na ḥwana wa Mudzimu ene Khotsi. (Naa Bivhili i ya amba izwo? Bivhili i amba mini?) . . . o wanala a na ḥwana wa Muya Mukhethwa.

¹³⁹ Zwenezwo kha *awha* ndi ufhio Khotsi Awe? Zwino, Bivhili i amba uri *hoyu* ndi Khotsi Awe, huno Yesu a ri *hoyu* ndi Khotsi Awe. Zwino, Khotsi Awe ndi vhafhio? Zwino, arali a na vhokhotsi vhavhili, zwino mini-ha ngazwo? Arali A na vhokhotsi vhavhili, Ndi ḥwana wa khangamutupo.

¹⁴⁰ Zwino kha ri vhale ri tshi tsa zwičukunyana:

Zwenezwo Yosefa mukalaha wawe, ngauri a vha a muthu wa u luga, o vha a sa khou funa u mu ḥana, fhedzi o vha a tshi ḥoda u mu ḥutshela lwa tshiphirini.

Fhedzi musi a tshi kha dielekanya nga hezwi zwithu, vhonani, muruñwa wa Murena a bvelela kha ene mułoroni, a ri, Yosefa, iwe murwa wa Davita, u so ngo ofha u dzhia Maria mufumakadzi wau: ngauri zwe a dihwala ngazwo ndi zwa . . . [Tshivhidzo tshi ri, "Muya Mukhethwa"—Mudz.]

¹⁴¹ Mini? Muya Mukhethwa? Zwo luga, Khotsi vha nga vha hani khotsi awe, huno nga tshifhinga tshithihi Muya Mukhethwa

wa vha Khotsi Awe? Zwino, U na vhokhotsi vhavhili two ralo, arali izwo zwi zwone. Hai, muñe wanga! Muya Mukhethwa NDI Mudzimu. Muya Mukhethwa NDI MUDZIMU. Ngauralo Mudzimu na Muya Mukhethwa ndi Muthu muthihi, kana O vha a na vhokhotsi vhavhili.

¹⁴² Ni a vhona, ri wanulusa uri *Yohane na Maria* ndi nnyi, nga murahunyana. Zwo luga, ri wanulusa arali Petro na Mateo vho vha vha tshi khou lingedza u hanedzana kana hai, vhonani arali Luñwalo lu tshi Dihanedza. Ndi u ḥahela ha u pfectesa ha tshimuya. Ndi zwone.

Fhedzi a tshi kha di elekanya nga hezwi zwithu . . .

¹⁴³ Izwo ndo zwi wana, ndimana ya vhu20. Zwino ya vhu21:

Huno u do beba murwa, . . . (Hoyu Muthu, we a vha a wa hezwi? Muthu muthihi, Mudzimu.) . . . huno iwe u do mu ira dzina la . . . (mini?) [Tshivhidzo tshi fhindula, “YESU”—Mudz.] . . . ngauri o do tshidza vhathu vhawekha zwivhi zwavho.

. . . hezwi zwe the zwo itwa, uri . . . hu vuledzeye zwe zwa ambiwa zwa Murena nga muporofita, a tshi ri,

Vhonani, musidzana tshipofu u do vha na nwana, nahone u do beba murwa, huno vha do ira dzina Lawe Immanuele, . . . nga ḥhalutshedzo, Mudzimu u na riñe.

¹⁴⁴ Ngauralo *Yohane na Maria* vhe vha tshila vho takala vho vha vha nnyi? Ndi Nnyi we a ri, “Tshimbilani-ha, ni funze tshaka dzothe, ni tshi vha lovchedza nga dzina la Khotsi, Murwa, Muya Mukhethwa”? Khotsi o vha a nnyi? Dzina la Khotsi, Murwa, Muya Mukhethwa? [Muñwe muthu u ri, “Yesu”—Mudz.] Zwo tou ralo, ndi lone. Zwo tou ralo, a hu na khanedzano kha izwo. Na zwiñuku-łuku. Zwi tou ḥandavhudza Luñwalo. O vha a Khotsi, Murwa, na Muya Mukhethwa. Mudzimu o vha (Immanuele) a tshi khou dzula na riñe, a dzula kha theberenakele ya muvhili u vhidzwaho “Yesu.”

¹⁴⁵ Zwino, pfunzo ya vhuthihi ya tshivhidzo tsha Vhuthihi, ndi a hanedzana nayo, vha elekanya uri Yesu ndi muthihi vhunga muñwe wanu u muthihi. U tea u vha na khotsi. Arali A si na, U vha hani khotsi Awe Ene muñe? Huno arali Khotsi Awe ho vha hu muthu sa zwine vhathu vha vhuraru vha amba, zwenezwo O bebwa nga mbebo ya khangamutupo ya vhokhotsi vhavhili. Ngauralo, ni a vhona, noñe no khakha nga u ḥata. Ni a vhona?

¹⁴⁶ Fhedzi Ngho yazwo ndi uri, zwe the Khotsi, Murwa, na Muya Mukhethwa, ndi Vhuvha vhuthihi. [A hu na tshithu kha theiphi—Mudz.] . . . ha u dzula kha theberenakele ya ñama, uri a dzhie tshivhi shangoni. Ndi zwone kokotolo, “Mudzimu a na riñe.” Zwino, zwe ralo, musi Mateo 28:19 . . .

¹⁴⁷ Zwino, ni ḥole Mañwalo, huno musi ni tshi wana hune muñwe muthu kha Bivhili . . . (zwino elekanyani ngazwo, zwino ni so ngo

tenda hezwi zwa ni fhira) . . . hune muñwe muthu kha Bivhili o vhuya a lovhedzwa nga dzina la "Khotsi," na la "Murwa," na la "Muya Mukhethwa," ni vhuye murahu kha nñe nahone ni mmbudze uri ndi mudziatshimbewha, huno ndi do vheya tshiga muñanani wanga nahone nda tshimbila doroboni. A zwi ho kha Mañwalo, u bva kha Genesi u swika kha Nzumbululo. Fhedzi muthu muñwe na muñwe kha Bivhili o lovhedzwa nga Dzina la Yesu Kristo!

¹⁴⁸ Ni ri, "Imainyana, mureri. Mini-ha nga Yohane? Ho ngo lovhedza nga dzina na lithihi!"

¹⁴⁹ Zwo luga, ri wanulusa zwe zwa itea; kha ri vule kha—kha—kha Mishumo, ndima ya vhu19. Ndi hone hune ra wana vhafunziwa vha Yohane. Muthu muñwe na muñwe o lovhedzwa nga Dzina la Yesu Kristo, u gonya n̄tha zwino u swika ri tshi wana hetshi tshigwada hafha. Mishumo, ndima ya vhu19. Huno kha ri thome u vhala zwino, huno ri wane vhafunziwa vha Yohane:

Huno zwa bvelela, . . . musi Apolo (we a vha a ramilayo, a shandukiswa) a ngei Korinta, Paulo o fhira nga phendelashango ya n̄tha ya . . . Efesa: a wana vhañwe vhafunziwa, (vho vha vha vhattevheli vha Yesu)

¹⁵⁰ Arali na dzhiela nzhele ndima yo fhiraho phanda ha afho, vho vha vha na tshifhinga tsha khwiñe u swika he vha huwelela na u pembela. Ndi vhangana vhane vha ñivha uri izwo ndi ngoho? Huno Akwila na Phirisila vho vha vho dzhenelela muñangano. Huno Paulo na Silasi vha rwiwa nahone vha bvulwa zwiambaro, huno vha pangwa khotthoni. Ndi zwone? Huno vha ða hafha, huno vha wana Akwila na Phirisila. Huno vho vha vha na mvuseledzo n̄tha heneffo nga mureri wa Baphuthisi, ane dzina lawe ndi Apolo, we a vha a tshi khou sumbedza nga Mañwalo uri "Yesu o vha a Kristo." Zwino Paulo a mu wana:

. . . Paulo o fhira nga phendelashango ya n̄tha ya . . . Efesa: . . . a wana vhañwe vhafunziwa,

A amba navho a ri, Naa no no ḥanganedza Muya Mukhethwa u bva tshe na tenda? . . .

¹⁵¹ Zwino, inwi khonani i funeaho ya Baphuthisi, arali izwo zwi sa bvisi tshone—tshone tshitoli fhasi ha thiolodzhi *yanu*, musi ni tshi ri no "ḥanganedza Muya Mukhethwa musi ni tshi tenda."

¹⁵² Fhedzi Paulo o ḥoda u vhudzisa havha Vhabaphuthisi, "Naa no no ḥanganedza Muya Mukhethwa u bva tshe na tenda?" Zwino lavhelesani zwe vha amba:

. . . Huno vha mu fhindula vha ri, a Ri ñivha . . . na uri hu na Muya Mukhethwa.

Huno a amba navho a ri, Nga ifhio . . . (zwino, arali ni tshi khou ḥoda u wana ḥalusó ya lexicon ya Tshigerika hafha, i do ni sumbedza, "No lovhedzwa hani?") . . . Nga

ifhio... u lovhedzwa hani? Huno vha ri kha ene, Fhasi ha Yohane murahu hafha. Yohane o ri lovhedza.

¹⁵³ Zwino ndi khou tøda u ni vhudzisa: Arali ni na heyo ndovhedzo, ni nga fushea ngayo? Muthu muthihi we a tshimbila na Yesu a tshi bva mulamboni, nahone a lovhedza Yesu Kristo, muthu muthihi o lovhedza havha vhathu. Iyo ndi ndovhedzo ya vhudi: hu si u shashwa, hu si u shela, fhedzi u ngwandamedza matopeni a kale a Yorodane fhethu huthihi he Yesu a lovhedzelwa hone. Elekanyani nga izwo.

¹⁵⁴ Paulo o ri, “Naa no ḥanganedza Muya Mukhethwa u bva tshe na tenda?” Vho...o...

Vha ri, “A ri ḫivhi...na uri hu na Muya Mukhethwa.”

A ri, “No lovhedzwa hani?”

Vha ri, “Ro lovhedzwa.”

“No lovhedzwa hani?”

“Nga ya Yohane!”

¹⁵⁵ Zwino lavhelesani zwe Paulo a amba. Lavhelesani hafha:

Huno a amba navho a ri...naa no lov-...Nga Yohane...Huno vha...

Huno Paulo a ri, Yohane o lovhedza na ngoho... yone ndov-...kha thembuluwo, a tshi ri khavho... vhathu, ...vha tea u tenda kha uyo we a da murahu hawe, uyo ndi, ene Yesu Kristo.

¹⁵⁶ Ni a vhona, Yohane o lovhedza a tshi *itela* thembuluwo, fhedzi ndovhedzo ya madini nga Dzina la Yesu ndi ya u itela khangwelo ya zwivhi. Tshipfumelo afho tsho vha tshi sa athu u itwa, zwivhi zwe vha zwi sa koni u hangwelwa. Zwino... Yo vha i tshi tou fhindula luvalo, u fana na fhasi ha mulayo. Luka 16:16, i ri, “Mulayo na vhaporofita vho guma nga Yohane, u bva zwenezwo Muvhuso wo reriwa.” Zwino lavhelesani. Huno... Lavhelesani.

Huno Paulo a ri kha-... (zwino lavhelesani)... Naa no ḥanganedza...

¹⁵⁷ Yone ya vhu5—ndimana ya vhu5:

Huno musi vha tshi pfa hezwi, vha lovhedzwa (hafhu) nga dzina la... Yesu Kristo.

¹⁵⁸ Ndi zwone? Zwenezwo havha vhathu, vhathu kha Mishumo 2, vho lovhedzwa nga Dzina la Yesu. Vhayuda vho lovhedzwa nga Dzina la Yesu. Vhannda vho lovhedzwa nga Dzina la Yesu. Nahone muthu muñwe na muñwe kha Bivhili yothe o lovhedzwa nga Dzina la Yesu.

¹⁵⁹ Zwino wanani fhethu huthihi hune muñwe muthu o vhuya a lovhedzwa nga inwe ndila, huno ndi do humela murahu hafha nahone nda ni sumbedza hune tshivhidzo tsha Katolika tsha

zwi ṭanganedza, nahone nda ni vhudza uri ni a zwi gwadamela. Huno nda ri, "Hu nga vha hu na vhańwe Vhaphurositente vho tshidzwaho ngauri vha na pfunzo thukhu dza Katolika, u fana na ndovhedzo nga dzina la 'Khotsi, Murwa, na Muya Mukhethwa'; uri tshivhidzo tshikhethwa tsha Katolika tshi na pfanelo ya u shandukisa uvho vhungoho u bva kha Dzina la Yesu, u ya kha 'Khotsi, Murwa, na Muya Mukhethwa,' nahone tshivhidzo tsha Phurositente tshi a zwi ṭanganedza." Heyi a i ralo, ndi ima na Bivhili. Ndi tenda Bivhili.

¹⁶⁰ Ni ri, "Mukomana Branham, u ya laya vhathe vha dovhe u lovhedziwa?" Ngangoho! Paulo o ralo, hafha.

¹⁶¹ Zwino lavhelesani, kha ri wane Vhagalata 1:8, huno ri wane zwe Paulo a amba:

...kana hu riñe, kana muruňwa wa ṭadulu, a rera
mańwe mafhungo mađifha kha inwi...onoyo o seńwa.

¹⁶² Khezwo-ha, "Arali riñe kana muruňwa." Huno Paulo, muthu muthihi, o laya vhathe vha lovhedzwe hafhu nahone vha vhe na ndovhedzo ya khwine u fhira ye na vha nayo, murathu wanga; ngauri Yohane Mulovhedzi o vha a muzwala wa Yesu Ene muńe, muzwala wa vhuvhili; a tshi khou lovhedza muzwala wawe mulamboni wa Yorodane, huno a rembuluwa huno a lovhedza vhafunziwa vha Yohane. Huno Yesu a ri, "Izwo a zwi nga shumi!" kana Paulo o Zwi amba, nahone a vha laya uri vha lovhedziwe hafhu nga Dzina la Yesu Kristo phanda ha musi vha tshi nga ṭanganedza Muya Mukhethwa; murahu ha musi vho vha vha khou huwelela na u renda Mudzimu nahone vha na tshifhinga tsha khwiñe, vha na khulu—mvuseledzo khulu, nahone vha tshi sumbedza nga Bivhili (nga thiolodzhi yavho) uri Yesu o vha a Kristo. Ndi vhangana vhane vha zwi ḥivha uri izwo ndi Luńwalo? Ndima ya vhu18. Ndi lwone zwavhukuma. Khezwo-ha. Ngauralo a hu na mbudziso Khazwo.

¹⁶³ Zwino i ri ni ndi ni ḥeye zwa ndeme zwińuku. Zwino, ho ngo vhuya a bva kha mbekanyo, fhedzi kha Luka... Mateo, ndima ya vhu16. Yesu, musi vha tshi bva thavhani, O ri, "Vhathe vha ri Nñe Murwa wa muthu ndi Nnyi?"

¹⁶⁴ "Vhańwe vha ri U 'Eliya,' huno vhańwe vha ri U 'vhaporofita,' nahone vhańwe vha ri U 'hezwi, izwo.'"

¹⁶⁵ A ri, "Fhedzi vhoiwi ni ri ndi Nnyi?"

¹⁶⁶ Petro a ri, "Iwe u Kristo, Murwa wa Mudzimu a tshilaho."

¹⁶⁷ Lavhelesani! "Mufhatutshedza ndi iwe, Simoni murwa wa Yona (murwa wa Yona), ḥama na malofha a zwo ngo u dzumbululela Hezwi." Amen!

¹⁶⁸ Ni a vhona, Zwo da nga nzumbululo ya tshimuya. ḥama na malofha a zwo ngo vhuya zwa vhudza Avhele uri o khakha (Kaini, uri o khakha), a zwo ngo vhudza Avhele uri "Kaini o khakha." Fhedzi Ho vha hu nzumbululo ye Avhela o vha a

nayo, "Ho vha hu malofha!" Ri khou swika kha mbudziso nga miniti i si gathi. Ho vha hu malofha, a si mitshelo, ye ya ri bvisa tsimuni ya Edeni. "Ho vha hu malofha," huno Avhele, nga nzumbululo ya tshimuya... o dzumbululewa nga Mudzimu uri ndi malofha. A ri, "Nga lutendo" Vhahevheru 11:1 i ri, "o kumedza tshiṭhavhelo tsha vhudi kha Mudzimu u fhira Kaini. Ane, Mudzimu o ḥanganedza tshiṭhavhelo tshawe." Khezwo-ha. Ni a vhona, o tshi kumedza nga lutendo, nga nzumbululo.

¹⁶⁹ Zwino lavhelesani, "Nama na malofha a zwo ngo u dzumbululela hezwi," (zwo gonyela kha Murena Yesu) "fhedzi Khotsi Anga vha re Tađulu vho u dzumbululela Hezwi. Huno kha heli tombo (nzumbululo ya Yesu Kristo)... Kha heli tombo Ndi do fhaṭa Tshivhidzo Tshanga, nahone khoro dza hele a dzi nga koni u Tshi kunda." Izwo ndi zwe A amba. Yone ya tshimuya nzum-... "Huno Ndi ri iwe u Petro, nahone Ndi do u ̄neya khoṇo dza Muvhuso. Huno tshini na tshini... Ngauri u na ndila ya tshimuya yo vuleyaho vhukati ha fhano na Liṭađulu. Nama na malofha: a u ngo ya kha seminari, a wo ngo ya tshikoloni, a wo ngo ita—ita—ita ngudo ya thiolodzhi. Fhedzi wo ditika nga Mudzimu, nahone Mudzimu a u dzumbululela Zwone, nahone ndi Luňwalo lu re khagala lune lwa Zwi ̄tumanya zwoṭhe. Ndi ri u Petro, ndi zwone, nahone Ndi do u ̄neya khono; nahone zwine wa vhofha kha liphasi, Ndi do zwi vhofha Tađulu; zwine wa vhofholola kha liphasi, Ndi do zwi vhofholola Tađulu."

¹⁷⁰ Nahone Petro o vha a tshiambi nga ̄Duvha la Pentekoste, musi vhoṭhe vha tshi khou ofha u amba, a amba nahone a ri, "Vhoinwi vhanna vha Yudea na vhoinwi vhane na dzula Yerusalem, kha zwi ̄divhiwe kha vhoinwi nahone ipfani Maipfi anga. Havha a vho ngo kambiwa sa zwine na elekanya, ni tshi zwi vhona uri ndi awara ya vhuraru ya ̄duvha, fhedzi hezwi ndi zwe zwa ambiwa nga muporofita Yoele. 'Zwi do vuledzeya mađuvhani a u fhedza,' Mudzimu u ralo, 'Ndi do shela Muya Wanga kha nama yoṭhe. Vharwa na vhananyana vha vhoinwi vha do porofita. Huno kha phuli Dzanga, na vhalanda, Ndi do shela Muya Wanga. Nahone Ndi do sumbedza zwiga ngei n̄tha maṭadulu na fhasi kha liphasi, huno dzikhavhu dza vhutsi na zwi ofhisaho. Zwi do vuledzeya hu sa athu u swika ilo ̄Duvha lihulu nahone li ofhisaho la Murena li daho, hune nnyi kaña nnyi ane a do vhidzelela Dzinā la Murena a do tshidzwa.'" Khezwo-ha. Oo, nn̄e-nn̄e.

¹⁷¹ "I ri ni ndi ambe ndo vhofholowa na vhoinwi vhokhotsi vha Davita," a ri, "o fa na u swiṭwa, nahone vhida lawe li na rine namusi. Ngauralo, ngauri o vha a muporofita, o vhona... o dzula o Mu vhona kha tshanda Tshawe tshaula, 'Huno A thi nga dzinginyiswi. Fhedzi-ha nama Yanga i do awela kha fulufheloo ngauri Ha nga litshi maya Wanga heleni, nahone ha nga tendeli Ene Mukhethwa Wau a tshi vhona u sina.'"

¹⁷² “Huno Davita o ralo u fa,” a ri, “nahone o swiṭwa, nahone vhiđa ḥawe li na riñe ḥamusi. Fhedzi ngauri o vha a muporofita, o dzula o vcona u da ha Ene o Lugaho, Ene we Mudzimu a mu ita zweṭhe Murena na Kristo.” Oo, nne-nne. Kheyō Mañwalo anu. Khezwo henehfo. Ndi zwenezwo.

¹⁷³ Zwino hafha ri wanulusa, zwenezwo, uri ndila yone, na ndila ya vhukuma, nahone ndila yone i yothe ye ya tiwa... Huno Petro o vha a na khono, huno nga ḫuvha le a rera, vho ri... Zwino lavhelesani, Tshivhidzo tsha u thoma khetshi. Vhakatolika thetshelesani Hezwi. Vhoinwi Vhabaphuthisi na Vhamethodisi thetshekesani kha Hezwi. Vhoinwi Vhabaphuthisi na Vhamethodisi thetshekesani kha Hezwi. Na vhoiñwi Vhapentekostała thetshelesani kha Hezwi. Tshivhidzo tsha Mudzimu, Vhanazareta, Vhatsinda Vhakhethwa, thetshelesani kha Hezwi.

¹⁷⁴ Petro o vha a na khono, nahone o vha a na ndaulo, kana Yesu o zwifha. Huno a zwi konadzei uri A zwifhe, “zwithu zwivhili zwi sa shanduki, a zwi konadzei uri Mudzimu a zwifhe.” O vha a na khono. Yesu o mu fha khono. Musi A tshi vuwa nga—nga ḫuvha ḥa vhuraru nga u ralo, O vha a na khono dza lufu na, hele, fhedzi hu si khono dza Muvhuso. Petro o vha a nadzo! Ndi zwone kokotolo.

¹⁷⁵ Huno zwino lavhelesani, Petro, u na khono dzo nembelela thungo hau, nahone u khou rera. Mbudziso ya ḫa, vhashandukwa vha u thoma vha tshivhidzo tshiswa. Tshivhidzo tsha u thoma tsha Vhakriste. Zwino Katolika, zwino Baphuthisi, Methodisi, Phuresibatherieni, ni kha pfunzo ya Tshivhidzo Tshiswa? Wanulusani arali ni khayo.

...Vhanna na vharathu, ri tea u ita mini?

...Petro a ima nahone a ri... Shandukani, ...
nothe... (lavhelesani, mutukana; ndila ine wa vheya
hedzo khono hafha, Kristo u do dzi vheya Tađulu) ...
Shandukani, nothe, huno ni lovhedzwe nga dzina ḥa
Yesu Kristo... (ndi ndila ine na dzhena kha Hezwi) ...
u itela khangwelo ya zwivhi zwanu, huno ni do
ṭanganedza tshifhiwa tsha Muya Mukhethwa.

¹⁷⁶ Khono dzo ya dza “puṭedza” hafha, nahone dza ya dza “puṭedza” Hafho. Ndi ngazwo vhafunziwa vha Yohane vho tea u da vha dovha vha lovhedzwa, hafhu, nga Dzina ḥa Yesu Kristo (phanda ha musi vha tshi nga ya Tađulu), vha wana Muya Mukhethwa. O tevhedza Ipfi ḥawie. Ngauralo a zwi ni dađisi zwino, zwi a ralo? Ni a vcona? Zwo tou ralo, Mateo 28:19 zwo vha zwi maimo, a si Dzina.

¹⁷⁷ Zwo luga, ri na tshifhinga tshi ngafhani? Ri nga wana miňwe miniti ya fumiṭhanu ya u fhindula dziňwe dzimbudzisonyana nga u ḥavhanya? Ri nga ralo? Zwo luga, ri do ḥavhanya. Ndi na mbili phasi hafha, ndo vha ndi khou ḥoda u dzhena nga u

ṭavhanya, u zwi ṭumanya na hezwi, arali ndi tshi ḍo kona. Uri ndi kone u wana dziñe dzoṭhe nga matsheloni a Swondaha.

57. Naa Kaini o vha a tshibveledzwa tsha nowa? (Heyi ndi ya vhudi.) **Arali zwo ralo, ndi ngani Efa a so ngo dihwala u swika murahu ha musi Adamu a tshi mu divha?**

Zwithihi... Mbudziso i no tevhela yo tou ralo:

58. Naa wo vha u—u muri wa vhukuma we Efa a la mitshelo yawo? A vhona uri ndi wa vhudi kha zwiliwa.

¹⁷⁸ Zwo luga, murathu, khaladzi, a nga vha nnyi kana nnyi, kha ri humele murahu kha Genesi huno ri wanuluse zwiñe zwithu hafha. Kha ri ye kha Genesi 3:8, arali ni tshi ḍo ralo. Zwo luga, thetshellesani nga maanda zwino.

¹⁷⁹ Zwino ndi do amba tshitorì hetshi. Ho vha ho kuna nahone hu hukhethwa, ho vha hu si na tshivhi na u tshikafhala. Zwino ndi ḍo wana...yanu...heyi mbudziso ya u thoma. Muri kha vhutshilo...vhukati ha tsim, vhukati ha muri. *Muri* ho vha hu “musadzi.” Zwino ndi ḍo ni sumbedza nga Mañwalo arali na tou kondelela lwa miniti i si gathi.

¹⁸⁰ Ri ḍo thoma u wana aralia o vha... arali o vha o dihwala phanda ha musi a tshi divha Adamu kana hai, kana phanda... Thetshellesani:

Huno vha pfa ipfi la MURENA Mudzimu li tshi khou tshimbila tsimuni, huno nga tshikovhelelo: huno Adamu na mufumakadzi wawe vha didzumba u bva vhuhoneni ha MURENA Mudzimu vhukati ha miri ya tsimuni.

Huno MURENA...a vhidzelela Adamu, huno a ri... U ngafhi?

Huno a ri, ndo pfa ipfi lau tsimuni, huno nda ofha, ngauri ndi fhedzi;... (zwino, izwo nga ḫuvha la murahu o vha a sa zwi divhi; tshiñe tshithu tsho itea, tshiñe tshithu tsho mu dzumbululela uri u fhedzi) huno nda didzumba.

Huno a ri, ndi Nnyi we a u vhudza uri u fhedzi? Kani wo la muri, ...?

¹⁸¹ U la zwa muri zwo mu ita uri a limuwe uri u fhedzi? Vhunga ndo dzulela uri, (hezwi a si miswaswo, a thi zwi ambi sa miswaswo) “Fhedzi arali u la maapula zwo ita uri vhasadzi vha limuwe uri vha fhedzi, ndi khwiñe ri tshi netshedza maapula hafhu.” Ni a vhona? Ho vha hu si vhufhedzi. Ho vha hu si muri, maapula e vha la, ho vha hu vhudzekani. Lavhelesani:

... Kani wo la muri, we Nda u laya uri u so ngo la?

Huno munna a ri, Musadzi we iwe wa mpha, uri a vhe na nñe, o mpha... muri, huno nda la.

Huno MURENA...a amba na musadzi, Ndi mini izwi zwe iwe wa ita? Huno musadzi a ri, Nowa yo mphura, ...

(huh?)... *Nowa yo mphura, huno nda la.* (ho no fhela tshifhinga tshilapfu phanda ha musi a tshi dihwala, ni a vhona, nga Adamu)

¹⁸² Adamu a mu divha, huno a dihwala nahone a beba—nahone a beba Avhele.

¹⁸³ Fhedzi ndo vha ndi khou toda u ni vhudzisa, u ya nga kuvhonele kwe na ima khakwo. Zwino u ni sumbedza uri o vha a muri, musadzi muwiwe na muwiwe ndi muri wa mutshelo. Ndi vhangana vho no zwi divha izwo? Kani a ni mutshelo wa mme anu? Zwo tou ralo, no ralo. “Huno vhukati ha mutshelo, kana vñukati ha muri, mutshelo une ho ngo tea u u kwama.”

¹⁸⁴ Arali na nga dzhieila nzhele, Yesu o vha a si Muri wa Vhutshilo? Ho ngo fulufhedzisa kha Mateo Mukhethwa, kana, Yohane Mukhethwa, ndima ya vhu6, “Ndi Vhurotho ha Vhutshilo vhu bvaho ha Mudzimu ngei Ṭadulu”?

¹⁸⁵ Arali muthu a la musadzi... Huno lavhelesani, nga mbebo ya... nga musadzi, rothe ri a fa; ngauri ro vhofheya nga lufu (ndi zwone?) nga mbebo a musadzi. Nga mbebo ya munna, rothe ri tshila lwa tshothe. Musadzi ndi muri wa lufu, munna ndi muri wa vhutshilo; ngauri musadzi ha aŋwi vhutshilo ngomu hawe. Ndi zwone kokotolo. Tshone—tshone tshianwiwa tsha vhutshilo tshi bva kha munna, ndi zwone. Tsha ya kha musadzi, nahone musadzi a si tshithu fhedzi tshialameli; huno lushie a lu ngo ɻumanywa, kha lula lwa mukombo fhedzi. A hu na na tshilavhi na tshithihi tsha malofha a mme kha lushie; lwo bebwu kha malofha awe, fhedzi a hu na na tshilavhi na tshithihi *kha* lushie. Iyani ni wanulule... kana ni vhale bugu ya dokotela, kana ni vhudzise dokotela wañu, ni ðo vhona. A hu na hafho, hai, muñe wanga, a hu na tshilavhi na tshithihi. U tou vha gumba, ndi zwenezwo fhedzi. Huno vhutshilo vhu bva kha munna.

¹⁸⁶ Tshifanyiso tsha vhudi tsha u sumbedza uri nga musadzi, nga mbebo ya mvelo, rothe ri a fa, ngauri ro fa na u rangani hazwo; nahone ndi nga Munna Kristo Yesu fhedzi hune ra kona u tshila. Huno kheyo miri mivhili tsimuni ya Edeni. A ni koni u vhona?

¹⁸⁷ Huno lavhelesani! Huno nga ilo ñuvha ho vha hu na Vhakerube vho dzudzwa uri vha linde muri. Huno arali vha vhuya vha thetshela uyo Muri wa Vhutshilo, vhothe vho vha vha tshi khou ya u tshila lwa tshothe. Ndi vhangana vhane izwo vha zwi divha? Vhothe vha ðo tshila lwa tshothe. Huno tshifhinga tsha u thoma tshine vha toda u thetshela... Muruñwa a ri, “Ro U linda.” Huno vha vheya Vhakerube heneffo na ayo mabanga a penyaho thungo ya vhubvaðuvha uri vha U linde. Vho U humisela murahu Vhubvaðuvha, nahone vha linda Muri nga mabanga a penyaho uri vha sa sendele Khawo (hoyu Muri).

¹⁸⁸ Huno musi Yesu a tshi da, O ri, “Ndi Vhurotho ha Vhutshilo, vhune arali muthu a la hovhu vhurotho ha tsha fa.” Khoyo Muri wañu.

¹⁸⁹ Musadzi khoyo, vhudzekani hañu khovho vhune ha disa lufu. Vhunga hu na lutamo lwa vhudzekani, hu na lufu lwo siiwaho ngalwo. Nahone vhunga hu na mbebo a tshimuya, hu na Vhutshilo Vhu Sa Fheli ho siiwaho Ngao. Lufu lwo da nga mbebo ya musadzi, nahone Vhutshilo ha da nga mbebo ya Munna. Amen! Khezwo-ha.

¹⁹⁰ Zwino kha ri humele murahu kha Kaini. Ni nga mmbudza hune uyo maya na tshiñuhu zwa bva hone? Arali Kaini... lavhelesani, arali Kaini o vha a murwa wa Adamu we a vha a murwa wa Mudzimu, uvho vhuvhi ho bva ngafhi? Tshithu tsha u thoma musi a tshi bebiwa, o vhenga, o vha a muvhulayi, o vha a na vivho. Huno zwino o dzhia mvelo ya baba wawe, u rangani hazwo, Lucifer, huno o vha a hone u rangani... o vha a na vivho kha Mikaele, ndi zwone zwe thomaho khakhathi yothe. Ndi vhangana vhane vha divha izwo? Huno Kaini o vha a mvelo ya khotsi awe, zwine o vha a na vivho kha murathu wawe nahone a mu vhulaya. Izwo zwi khagala... iyo mvelo i nga si bve kha ulwo lutsinga lukhethwa. I bva... i tea u bva kha lutsinga lwo shandulwaho. Huno dzhielani nzhele kha Kaini, musi a tshi tou bebiwa.

¹⁹¹ Huno-ha Avhele o bebiwa murahu hawe, zwenezwo a dihwala nga Adamu, huno a divha—mu divha nahone a beba murwa Avhele. Huno Avhele o vha a tshifanyiso tsha Kristo; huno musi—musi Avhele a tshi vhulaiwa, Sethe o dzhia vhuimo hawe; lufu, u swiñwa, na mvuwo ya Kristo, sa tshifanyiso.

¹⁹² Fhedzi, zwino, Kaini o losha; mishumo yawe yothe ya nama, vhunga tshivhidzo tsha ñama ñamusi: vha ya tshivhidzonî, vha ya losha. Kaini o losha; o vha a si mudzia u sa tenda, o vha a si mukomonisi. Kaini o vha a mutendi; o ya kha Mudzimu, o fhaña aleñare. O ita zwithu zwa vhurereli zwe Avhele a ita, fhedzi o vha a si na nzumbululo ya tshimuya ya lufuno lwa Mudzimu. Kha hu rendwe Dzina la Murena! Khezwo-ha. Ni a Zwi vhona? O vha a si na nzumbululo ya tshimuya, huno ndi zwone zwine zwa amba kha tshivhidzo ñamusi. Huno Yesu o ri U do fhaña Tshivhidzo Tshawe kha nzumbululo ya tshimuya. Ni khou Zwi wana? Oo, nñe-nñe, mañu aña a nga vuleya zwino. Ni a vhona, nzumbululo ya tshimuya.

¹⁹³ Kaini o da: a fhaña aleñare, o losha, a disa tshiñavhelo, a gwadama fhasi, a renda Mudzimu, a losha Mudzimu, a ita zwothe zwa vhurereli zwe Avhele a ita. Huno Mudzimu a mu landula zwi khagala ngauri o vha a si na nzumbululo ya tshimuya!

¹⁹⁴ Tevhelani lutsinga luthihi lwa Kaini: u tsela fhasi kha gungwa, u bva gungwani u ya kha Israele, u bva kha Israele u ya kha Yesu, nahone u bva kha Yesu u swika kha lino ñuvha; huno ni vhone arali izwo zwa ñama, tshivhidzo tsha tshiimo, tsho omaho nahone tsha maitele mañwe, matshudeni, ndi amba vhanna vha re na Mañwalo, vhane vha divha pfunzo dzothe na dzithiolodzhi,

vha ya kona u zwi ṭalutshedza, mutukana, vhunga [Mukomana Branham u khotha miñwe yawe—Mudz.] izwo, fhedzi vha si na nzumbululo ya tshimuya! Ndi zwone. Iyo ndi pfunzo ya Kaini.

¹⁹⁵ Bivhili yo ri, “Khombo khavho! Ngauri vho ya kha pfunzo ya Kaini, vha gidima kha vhukhakhi ya Biliamu, nahone vha lovha kha maambiba a Kora.” Bugu nthihî, Yuda, o ri, “Vho telwa iyo khathulo.” Zwo tou ralo, vho ralo. Ni a vhona? Biliamu o vha a mini? O vha a mubishopho. O vha a tshivhidzo tshoþhe. O bvelela heneffo lwa muhumbulo sa zwe a ita. O ñetshedza... Mu lavheleseni o ima ñtha heneffo sa mudivhaleya, o ima heneffo kha vhadivhaleya vhavho vhahulu. Nahone vho vha vha si vhadzia u sa tenda, vho vha vha vhatendi.

¹⁹⁶ Ulwo—ulwo lushaka lwa Moaba lwo bva kha ñwananyana wa Loto. Loto we a tshila... Nwananyana wa Loto we a tshila na khotsi awe, nahone a dihwala huno a beba ñwana, huno uyo ñwana a... a bveledza lushaka lwa Moaba. Nahone vha vha dinomineisheni khulu. Khulu, vhatthu vha penyaho, nahone vha vha na vhakololo na dzikhosi na vhaðivhaleya. Vha vha na vhabishopho na vhakhadinala na vhañwe zweþhe.

¹⁹⁷ Huno hafha ha bvelela tshigwada tsha vhavhumbuluwi vhakhethwa, tshiñwe tshigwada, Isiraele; tshigwada tshiþuku tsha kale tshe tsha vha tshi si dinomineisheni, tshi sa dzheneleli kha zwa dzidinomineisheni. Huno vha ita zweþhe zwe zwa vha zwi hone kha mapa uri zwi itiwe, na zwivhi. Fhedzi two vha zwenezwo, vho vha vha na nzumbululo ya tshimuya, nahone Mudzimu o vha a navho kha Khavhu ya Mulilo.

¹⁹⁸ Oo, ndi—ndi a zwi divha uri vho vha na zwithu zwa ñama, nahone vhatthu vha ri, “Tshigwada tsha vhahumela murahu sa itsho, a hu na zwine ra ita fhedzi u vha rahela nnða.” Fhedzi vho vha vha na nzumbululo ya tshimuya, nahone vho vha vha na Tombo lo rwiwaho, vho vha vha na ñowa mulilo, vho vha vha na Khavhu ya Mulilo ye ya vha i tshi tshimbila navho. Haleþuya! Ndi a zwi divha uri ni—ni elekanya uri ndo takala, fhedzi a tho ngo ralo. Ndi khou tou pfa ndi wa vhudi.

¹⁹⁹ Dzhielani nzhele! Musi ndi tshi elekanya, “Mudzimu muthihi, ñamusi, u tshila na riñe.” I kha di vha nzumbululo ya tshimuya ya Ipfi. Zwo tou ralo, ndi yone. Ndi yone u ya Nga Hu Sa Pheli. Kha hu rendwe Dzina la Murena! Ee, muñe wanga.

²⁰⁰ Afha ho ima ene heneffo, kha vhuimo; itsho tshigwada tsha Vhabaphuthisi na Vhaphuresibatherieni tsha ima ñtha tshikwarani, nahone vha na vhabishopho vhavho ñtha heneffo. Huno vha vha tshi tou vha vha vhurereli, nahone lushaka luthihi lwa vhurereli, vho losha Mudzimu muthihi. Vha ri, “Lavhelesani phasi afho kha tshigwada tsha tshika. Ngani, a vha na na dinomineisheni. A vha tshithu fhedzi tshigwada tshi tshemelelalo, vha kowelelalo, vhavhumbuluwi vhakhethwa.”

²⁰¹ Ndi zwone? Kokotolo, vho vha vho ralo. Arali ni sa tedi uri vho vha vha vhavhumbuluwi vhakhethwa, humelani murahu kha Genesi huno ni wanuluse musi vha tshi wela. Huno madembe o itwa, nahone Miriamu a dzhia tshihwana huno a tsela fhasi khunzikhunzini, a tshi khou tshi rwa; a tshi khou tshina Muyani, huno Mushe a imba Muyani. Arali itsho tshi si tshigwada tsha zwine ra zwi vhidza vho vhofholowaho... vhavhumbuluwi vhakhethwa, a thi divhī uri ndi mini; vha tshi khou imbelela na u thamuwa na u renda. Nahone dzitshaka dzo vha nyala tshifhinga tshothe, fhedzi Mudzimu o vha a navho. Vho vha vha na nzumbululo ya tshimuya, vha tshi khou tevhela Khavhu ya Mulilo.

²⁰² Huno Moaba a ri, “Zwino, lavhelesa hafha. Ri do vhidza vhothe vhakhadinala na vhabishopo, na vhabunzi, huno vha diseni hafha. Ri do ita tshinwe tshithu ngazwo, ngauri ri lushaka lwa vhurereli. A ri nga tendele hayo mazwifhi a tshi tangana na dinomineisheni dza vhudi.”

²⁰³ Huno vha vha bvisela nnnda hafho. Huno vha fhaṭa aletare dza fumimbili; izwo ndi zwe Isiraele yo vha i nazwo, aletare dza fumimbili. Vha vheya zwiṭhavhelo zwa fumimbili khayo, mboho; zwe Isiraele ya vha i nazwo kokotolo, zwine Mudzimu a ḥoda. Vha vheya nngu dza fumimbili khazwo, zwi tshi fanyisa u vhuya ha Murena Yesu Kristo; nngu dza fumimbili fhethu hothe.

²⁰⁴ Vhađivhaleya vhothe, vhabishopo na vhothe, vha ima u mona. Vha funga tshiṭhavhelo. Vha rabela, vha imisela zwanda zwavho kha Yehova nahone vha ri, “Yehova, ri pfe!” Vho vha vha tshi khou lingedza u ita mini? Huno Biliamu wavho wa kale a ya phanda nga u ralo, huno Muya wa tsela fhasi khae. Ngangoho (fhedzi o vha a wa ḥama).

²⁰⁵ Muya u ya kona u wela kha mudziatshimbevha, Bivhili yo ralo. No mpfa ndi tshi funza izwo, zwino. “Mvula i nela vhavhu ya na vhavhi.” Fhedzi zwi tea u vhambedzeya na Ipfi, ndi hone hune na zwi wana.

²⁰⁶ Zwenezwo musi a tshi ralo, huno ene... musi Muya, naho, wo amba Ngoho khae, o lingedza u sema Isiraele, huno a fhaṭutshedza Isiraele.

²⁰⁷ Zwino, arali Mudzimu a tshi tou ḥonifha tshividzo tsha vhudi fhedzi, na mubishopo wa vhudi, na mufunzi wa vhudi, tshigwada tsha vhatu vho funzeahō, O vha o vhofheyā u tanganedza itsho tshiṭhavhelo, ngauri tshiimo tshawe tsho vha tshi tshone vhunga Isiraele o vha a kha zwone; fhedzi o vha a si na nzumbululo ya tshimuya ya Ipfi na lufuno lwa Mudzimu. Khezwo-ha, iyo ndi phambano ḥamusī.

²⁰⁸ Lavhelesani kha Yesu. Vho ri, “Kule na hoyu muṭhannga. Ri a zwi divhī uri ndi Musamaria. U ya penga. Naa u do ralo uri funza? Zwo luga, wo bebwā nga vhupombwe. A u tshithu fhedzi u ḥwana wa khangamutupo na u rangani hazwo. Baba

wau ndi nnyi? Uri Mudzimu ndi khotsi au, iwe musemani! Ngani, u ḥoda uri vhudza? Ndi kale ri vhareri, ndi kale ri mabishopho; vhomakhulu kuku-kuku-kuku-kuku-kuku-kuku washu vho vha vha vhareri na vhabishopo. Ro bebwa nahone ra aluselwa tshivhidzoni. Ro no fhira kha seminari khulu kha dzithe. Ri divha Ipfi linwe na linwe. Huno u lingedza uri funza? Wo ya tshikoloni ngafhi? Wo wana ngudo iyi ngafhi?"

²⁰⁹ A ri, "No dzhia zwa . . . khotsi anu diabolo," Yesu o ralo.

²¹⁰ Vho vha vha si na zwiga na vhuṭolo vhukati havho. Vho vha vha si na phodzo Khethwa na zwinwe vhukati havho. Vho vha vha si na dziphaṭhutshedzo vhukati havho. Fhedzi Yesu o vha a nzumbululo ya tshimuya ya Maṇwalo.

²¹¹ Vha ri, "Ngani, zwe ḥwaliwa *zwikene na zwikene*."

²¹² Huno Yesu a ri, "Ee, nahone zwe ḥwaliwa-vho." Fhedzi Mudzimu o khwaṭhisedza muthu Wawe nga zwiga zwawe.

²¹³ Petro o amba zwithihi, kha Mishumo 2, o ri, "Vhoinwi vha Isiraele; Yesu wa Nazareta, Muthu o ḥanzielwaho nga Mudzimu vhukati hanu, nga zwiga na madembe zwe Mudzimu a ita Ngae henehfa vhukati, huno zwine vhoinwi noṭhe na zwi divha." (khezwo-ha) "Ene o kumedzwa . . . nga u ḫi- . . . nga Khorō khulu ya Sanhedrin nthā afho. Fhedzi nga u divhela phanda ha Mudzimu, Mudzimu o Mu tela uri a fe holwu lufu. No Mu kumedza nga zwanda zwivhi nahone zwa tshiṭuhu. No vhamba Mukololo wa Vhutshilo, We Mudzimu a mu vusa. Nahone ri dzīhanzi dzazwo."

²¹⁴ Yooh, mureri-de nandi! Ho ngo . . . o vha a sa koni na u saina dzina lawe, fhedzi o divha Mudzimu. Vha ri vho "mu thetshelesa uri o vha a na Yesu." Zwo tou ralo, ndi nzumbululo ya tshimuya. Oo, nnē-nnē. Zwino, khezwo-ha.

²¹⁵ Kaini o vha a kha wonoyo mutalo, itsho tshivhidzo tsha ḥamusi tshi kha mutalo muthihi ḥamusi. Tshivhidzo tsha Tshimuya tshi kha ḫi vha na Khavhu ya Mulilo, tshi kha ḫi vha na zwiga, vhuṭolo, tshi kha ḫi vha na Kristo muthihi; ane a khwaṭhisedza hoṭhe u bva kha ngwana i faho, na tsimuni ya Edeni, u swika kha u Vhuya ha vhuvhili ha Ngwana. Ngangoho, ene a sa shanduki mulovha, ḥamusi, na lini na lini.

²¹⁶ Huno ulwo lutsinga lwa Kaini, lwa vhurereli na u swalingedza na lwa vhutshuden, u tsela fhasi ndi zwithihi; zwi tou vha zwithihi, duvha linwe na linwe ndi zwithihi. Vhasasalandzi na vhatovholi, vhunga Kaini o ralo kha Avhele, vho ralo na ḥamusi, nahone vho vha vho ralo nahone vha do dzula vho ralo; vha ḥama, vhadzia u sa tenda. Ndi zwone.

²¹⁷ Zwino Genesi 3:8, nahone ndo vheya 20 hafha, ndo vha ndi khou lavhelesa a si kale:

Huno musi Adamu a tshi vhidza . . . Huno Adamu a ira mufumakadzi wawe . . . Efa; ngauri o vha a mme a

zwoṭhe zwi tshilaho. (ni a vhona, izwo zwo itea nga murahu ha musi u fhurwa ho no itea)

²¹⁸ Kaini o vha . . . “Zwino imaninyana!” Ni ri, “Nowa i nga ralo hani, ḥnowa?”

²¹⁹ Fhedzi, murathu, lavhelesani hafha, Bivhili a i ngo ri o vha a ḥnowa; Bivhili yo ri, “O vha o ḥalifha kha zwivhanda zwoṭhe zwa tsimuni.” O vha a si tshikokovhi, o vha a tshivhanda. O vha a . . . Huno afho . . .

²²⁰ Huno ntendeleni ndi ni fhe holwu sa luswayo luṭuku vhukati hashu, arali ni tshi do ralo. Ndi hone hune saintsı yo ḥanganana. Tshithu tsha tsini tshire vha tshi wana kha muthu, ndi pfene. Ndi vhangana vhanе vha ḥivha izwo? Fhedzi hu na tshińwe tshithu vhukati ha afho. A vha koni u ita uri marambo a pfene a swikelele marambo a muthu, fhedzi ndi tshithu tsha tsini nga maanda. Vha nga takuwa nae u bva kha vhutumani. Vha nga takuwa nae u bva kha vhuluvhulu. Vha nga takuwa nae kha phukha na phukha inwe na inwe. Vha nga mu isa kha tshivhingwi. Na dzhia tshivhingwi na bvisa lukanda khatsho, tshi tou nga musadzi muṭuku. Ndi zwithu zwithihi. Na u humisa na zwińwe zwoṭhe, na zwi imisa henefho, huno na ya na dzhia musadzi sa . . . na imisa musadzi sa zwenezwo. U tou fana na—na—na tshivhingwi. Mulenzhe u ya fana, na tshanda tshi a fana sa zwenezwo, tshi tou nga tsha muthu. Fhedzi pfene li sendela tsini u fhira izwo. Li tou yelana kokotolo, fhedzi a vha koni u zwi wana.

²²¹ Tshiphiri tshiṭuku khetshi afha, arali ni tshi khou ḥoda u tshi ḥivha. Ni a ḥivha uri zwi ngafhi? Zwo dzumbiwa khavho. Vha nga gwa marambo ḥthe ane vha ḥoda. Vha nga gwa . . . Havha vhavhađi vha nga gwa, na saintsı, na vhone na vhone vhatevheleli vha nga kala tshikalo tsha tshifhingga nga zwikalo zwa athomo, fhedzi a vha nga vhuyi vha zwi gavha. Ngauri iyo ndi ḥnowa ye ya vha i tshi nga muthu u fhira tshińwe na tshińwe tshe tsha vha tshi hone kha lifhasi, huno Mudzimu a i sema nahone a i vheya nga thumbu yayo, nahone yo humiselwa murahu kha nowa i si na na tshifanyiso tsha muthu. Zwino itanu hweta ḥoho yanu, avho vhorasaintsi, huno ni vha tendele vha dzhie izwo lwa tshifhinganyana.

²²² Fhedzi Bivhili i ya zwi khwaṭhisidza, “Yo vha i yone yo ḥalifhaho u fhira zwivhanda zwoṭhe zwa tsimuni.” Ndi zwone. Yo vha i thumano ine ya ima vhukati ha muthu na ḥoho, huno Mudzimu a i sema nahone ya humela murahu kha thumbu yayo nga n̄thani ha—ha zwithu zwe ya ita. Yo fhura musadzi, huno a beba murwa wawe wa u thoma we a vha a Kaini, a tevhedza mvelo ya ḥuṭhuwedzo ya ḥnowa, diabolo, we a dzhena kha ḥnowa, ndi ene we a zwi ita.

²²³ Huno-ha a dihwala nahone a beba, a dovha a dihwala hafhu murahu ha musi o fhurwa. Zwino lavhelesani, o fhurwa, o vha a tsini . . . Zwo luga, o ita zwo khakheyaho. Fhedzi a, zwavhukuma,

zwo vha zwi zwavhukuma musi a tshi dihwala nga mukalaha wawe, ngauri izwo ndi musi zwo itea lunzhi, zwifhinga zwinzhi nga murahu ha, miňwedzi minzhi na mađuvha manzhi murahu ha; izwo ni nga si zwi ambe, a ri ñivhi, fhedzi o beba zwa Adamu.

²²⁴ Huno muňwe muthu u na mbudziso, ni ri, "Zwo luga, murwa... o ri o vha a tshi khou ya... Vhunga Kaini o bebwa, a ri 'o wana murwa wa Murena." Ngangoho, zwo tou ralo, zwi tea u ralo. Wo vha u mulayo wa mupo. Ndi zwine na vha zwone ñamusi. Musi ni tshi bebiwa, Mudzimu ha ñi phasi huno a ni vhumba. Ni tshibveledzwa tsha khotsi na mme aňu. Nahone ni ño ralo... hu ño vha na... vhana vhanu vha ño vha zwibveledzwa zwaňu. Ndi mveledziso tshifhinga tshoþhe, u tsela phasi, vhunga mbeu ya miri na zwiňwe zwithu zwi ngaho izwo; fhedzi u humela murahu kha zwavhukuma. Ndi a kholwa izwo zwi a zwi ñatutshedza.

²²⁵ Ri na tshifhinga tshingafhani? A ri tshe na na tshithihi. Thetshelesani heyi ya vhudi kha i no tevhela... lune ri khou swika kha Swondaha: "Nga Muya muthihi roþe ro lovhedzelwa kha Muvhili muthihi..." (Ri tama u ñivha izwo.) "...Kristo." Nga tshifhinga... Zwino, ndi elekanya uri ndo wana maňwe maňwalo, maňwalo a vhudi kha izwo [Mukomana Branham u fhindula izwi kha Tshipiða II, ndima ya 361, sa mbudziso 60—Mudz.]

²²⁶ Kheyi ya vhudi, vhunga... Ni do nkondelela kha muňwe miniti kana mivhili, uri ndi fhindule izwi? Iya kona u ñifhindula.

59. Musi—misi u tshi ri "vhavhi a vha nga swi lwa u ya Nga Hu Sa Fheli,"... (Zwo luga, zwino ndo ita uri Thanzi ya Yehova i shavhe, a tho ngo ralo?) ...**Musi u tshi ri vhavhi a vha nga swi lwa u ya Nga Hu Sa Fheli, u amba heleni kana dzivhani la mulilo?** Ndi a zwi ñivha uri kha Nzumbululo i ri (iyo ndi ndima ya vhu²⁰) hele i ño poswa dzivhani la mulilo. Arali vha sa swi lwa u ya Nga Hu Sa Fheli, zwenezwo hu itea mini khavho?

²²⁷ Vhunga musi ndi kha ñi bva u amba, murathu kana khaladzi, a nga vha nnyi kana nnyi; vha ya ngala-ngala, a vha tsha wanala. Vha na mathomo, nahone afho vha ya guma; a vha tsha vha tshithu. Zwi ño ralo hani... uri vha ño swa u swika lini, izwo zwi a konda u amba. Fhedzi, lavhelesani, afho...

²²⁸ Arali na dzhenisa hezwi muhumbuloni waňu, ni a vhona, zwo leluwa nga maanda. Hu tou vha na lushaka luthihi lwa Vhutshilo Vhu Sa Fheli, nahone uvho vhu bva kha Mudzimu Ene muňe. Nahone Mudzimu a ethe ndi Vhutshilo Vhu Sa Fheli. Arali na nga tou ña hafha kha ñthaluso ya lexicon, na lavhelesa ipfi Zoe la Tshigerika. Zoe ndi "Vhutshilo Vhu Sa Fheli" Vhutshilo Vhu Sa Fheli ndi "Mudzimu." Nahone Yesu o ri, "Ndi vha ñeya Vhutshilo Vhu Sa Fheli." Huno arali na lavhelesa hafha kha ñthaluso ya lexicon, i ri, "Zoe." Uvho ndi hone Vhutshilo Vhu Sa

Fheli vhu ho^{the} vhu re hone. A hu na fhethu kha Bivhili hune Ya ri hu ^{do} vha na hele ya u ya Nga Hu Sa Fheli, i ri vha ^{do} swa “lwa tsho^{the}-tsho^{the}.”

²²⁹ Zwino, u wana ipfi “lwa tsho^{the}” lavhelesani kha *aeon*—*aeon*. No zwi limuwa afha kha Bivhili? Uri hu na tsho^{the} nngana dze ya amba, “Huno aeons na ae- . . .”? Ndi vhanga vhane vha zwi ^{divha} uri *aeon* ndi “tshikhala tsha tshifhinga”? Ngani, zwe tou ralo, muñwe na muñwe izwo u ya zwi ^{divha} uri *aeon* ndi “tshikhala tsha tshifhinga.”

²³⁰ “Nahone vha ^{do} swa lwa aeons,” izwo ndi tshikhala tsha tshifhinga. “Vha ^{do} poswa dzivhani la mulilo, huno vha swa lwa aeons.” *Aeons* zwi amba “tshikhala tsha tshifhinga.” Vha nga swa lwa miñwaha ya milioni dza dana kha tshigwevho fhedzi, mafheleloni, vha tea u da magumoni; u ngala-ngala, vho^{the}. Ni a vhona, ngauri tshiñwe na tshiñwe tshi so ngo khunyelelaho tsho shandulwa u bva kha tsho Khunyelelaho; nahone tshi na mathomo, ngauralo tshi tea u vha na magumo.

²³¹ Fhedzi riñe ri no tenda kha Murena Yesu Kristo ri na Zoe, “Vhutshilo ha Mudzimu Ene muñe” ngomu hashu, nahone ri na Vhutshilo Vhu Sa Fheli. A ri na vhutshilo ha tsho^{the}-tsho^{the}, muitazwivhi u na vhutshilo tsho^{the}-tsho^{the}, fhedzi ri na “Vhutshilo Vhu Sa Fheli.”

²³² Mukomana Cox, a si kale, o vha o dzula ndilani yanga phanda ha musi ri tshi vheya yone . . . murahu ha musi ro no vheya matombo heneffho, huno a dzhia lituku, masalela a kale, huno a ri, “Mukomana Branham, a na miñwaha mingana?”

²³³ “Oo,” nda ri, “vhutevheleli, ni nga ri a na miñwaha ya zwigidi zwa sumi. Inwe thukhunya, tshivhulayi tsha kale tsha lwanzhe tshe tsha tshila nga tshiñwe tshifhinga, phukha thukhu ya lwanzhe, i nga vha yo tshila murahu kha zwikhathi zwe fhiraho.”

²³⁴ A ri, “Itau elekanya uri vhutshilo ha muthu ho pfufhifha hani kha *uvho* vhutshilo.”

²³⁵ Nda ri, “Oo, fhedzi, murathu, itsho tshithu tshi na magumo, fhedzi Vhutshilo vhune ra vha naho kha Kristo a vhu na magumo. Itsyo tshi nga tshila luvhili kana luraru lwa *tsho^{the}*, fhedzi a tshi nga vhuyi tsha vha na Vhutshilo Vhu Sa Fheli, ngauri Vhutshilo Vhu Sa Fheli vhu bva ha Mudzimu a ethe.”

²³⁶ Vhu Sa Fheli, “Uyo ane a pfa Maipfi Anga nahone a tenda kha Uyo we a Nthuma, u na Vhutshilo Vhu Sa Fheli nahone ha nga VHUYI a da khatuloni fhedzi o fhira u bva lufuni u da kha Vhutshilo.” Khezwo-ha, ni wana Vhutshilo Vhu Sa Fheli nga u vha mutendi. Mudzia u sa tenda u na vhutshilo tsho^{the}. Vhu Sa Fheli . . . mutendi u na Vhutshilo Vhu Sa Fheli, nahone a nga si lovhe ngauri Ndi Vhu Sa Fheli.

²³⁷ Fhedzi mutendi, u do ya... Mudzia u sa tenda u do fhira shangoni, u do vha na zwikondaho, khakhathi; zwine a zwi vhidza u vha na tshifhinga tsha vhudi, "yooh, ri na tshifhinga tsha vhudi." Vhasadzi, veini, tshifhinga tsha vhudi, u elekanya uri u khou isa phanda. U do fa, u do ya dzivhani la mulilo na mavhivhi a fhisaho, hune u swa zwi khou itea lwa tshothe-tshothe, nahone khañwe myua wawe u nga tambudzwa lwa minwaha ya milioni dza dana kha dzivha la mulilo na mavhivhi.

²³⁸ Ndi... Ni ri, "Zwi do vha zwi tshi nga mavhivhi o doweleyaho?" Ndi tenda uri zwi do vhalwa lwa milioni kha izwo. Ndi a tenda ni nga si kone u zwi talutshedza nga mulilo, nga mulilo wo doweleyaho. Mbuno i yothe ya uri zwi pfi "nga mulilo," ndi ngauri mulilo ndi tshone tshithu tshi fhisaho nga maanda tshine ra vha natsho. U tou fhisira na u tshinyadza zweþhe, mulilo u ya ralo. Zwo luga, zwenezwo, zwi do ralo heneffho, fhedzi ni do vha na myua une wa tea u gwevhiwa kha zwiñwe zwithu...

²³⁹ Zwino, ni tea u lavhelesa ipfi *mulilo*, ngauri Muya Mukhethwa u shumiswa "Muya Mukhethwa na mulilo"; ngauri mulilo wa Muya Mukhethwa u fhisira tshivhi tsha bvela nnnda, ni a vhona, nahone wa kunakisa.

²⁴⁰ Fhedzi *hoyu* mulilo, u bva heleni, i ri "dzivha la mulilo." Huno hu nga vha mini kana mini, ndi tshigwevhho tshi na tshengelo. Munna wa mupfumi a imisa maþo awe, a ngeyi heleni, nahone a ri, "Rumela Lazaro na shotha la madi miñweni yawe, uri a a rothisele kha meme dzanga, ngauri heyi khavhu i khou ntshengedza." Ni so ngo elekanya uri a hu na hele i sa dugi, nahone hele ya vhukuma, i hone. Arali hu na diabolo wa vhukuma, hu na hele ya vhukuma.

²⁴¹ Fhedzi, ni a vhona, tshiñwe na tshiñwe tsho shandulwaho tshi na magumo, ngauri mafheleloni zwi tea u vhuya murahu kha uho u kuna na vhukhethwa ha Mudzimu. Nahone Mudzimu ndi wa u ya Nga Hu Sa Fheli; huno arali ri na Vhutshilo Vhu Sa Fheli, Mudzimu u kha riñe, nahone ri nga si tsha fa vhunga Mudzimu a nga si fe. Khezwó-ha.

²⁴² Zwino, linwalwa li a Diþalutshedza zwavhukuma, ni a vhona, nahone li zwi ita zwone. Zwino, kha ri vhone, ndi na... A thi diþhi arali... Ee:

"Hu do-hu do itea mini khavho?"

²⁴³ Vha ya ngalangala, a vha tsha wanala: tshirunzi tshi ya þuwa, myua u ya þuwa, vhutshilo vhu ya þuwa, muvhili u ya þuwa, ngelekanyo dzi a þuwa, nyelwelwo dza þuwa.

²⁴⁴ Nahone a hu tsha do vha na ngelekanyo dza zwivhi, kana na uri zwo vhuya zwa ralo, u ralo u itea, ngei Vhugalani. Ndi zwone, zweþhe zwi do vha... Ni nga vhuya na elekanya, uri afha hu do vha na vhathu hafha kha hetshi tshipida...?

²⁴⁵ Naa Bivhili a i ri, “Na ngelekanyo dza vhavhi dzi ḋo lovha”? Ngelekanyo dzazwo dzi ḋo lovha.

²⁴⁶ Afha hu ḋo vha na muthu *hafha*, afha ndi Mudzimu Musiki Ene Muhulwane Mukhethwa *hafha*, nahone a tshi zwi ḋivha uri seli ngei hu na mulonga u na mimuya i swaho ngomu hawo? Ngani, afho hu nga si vhe Taḍulu. Dzone ngelekanyo, nyelelwo, zwoṭhe zwo shandulwaho, ngelekanyo iñwe na iñwe mmbi, zwoṭhe zwi ḋo lovha, na zwoṭhe zwi na zwivhi ngomu hazwo. Huno a ri nga vhi tshiñwe tshithu fhedzi u kuna, ri na *Zoe*, Vhutshilo ha Mudzimu; ngei ha u ya Nga Hu Sa Pheli, na lwa zwikhathi zwi tshi tshimbila, na u ya, na u ya, na u ya, na u ya; a Zwi nga gumi, zwi ḋo vha zwa u ya Nga Hu Sa Pheli!

²⁴⁷ “Vho dzhena kha tshigwevho tsha *lini na lini*, fhedzi vhavhuya vho dzhena kha Vhutshilo Vhu Sa Pheli.” Ni khou zwi wana? Tshigwevho tsha *lini na lini*, Vhutshilo Vhu Sa Pheli, phambano-đe nandi.

²⁴⁸ Zwino, ni a vhona, a zwi ralo . . . Zwino, ndi a ḋivha, kha inwi, vho inwi vhaṭuku vhanga vha funeaho, a—a thi ḫodi u lingedza u disumbedza sa mudivha zwoṭhe. Arali nda ita izwo, . . .

²⁴⁹ Zwino, ndi na dziñwe mbudziso mbili kana nña dza vhudi. Ndi ḋo dzi amba nga matsheloni a Swondaha, Murena a tshi funa.

²⁵⁰ Zwino, lavhelesani. Ni a vhona, hezwi zwi takusa dzimbudziso. Ndi mureri wa kale. Ndi—ndi—ndi—ndi na miñwaha ya fumbili-ṭhanu ndi kha vhushumeli. Nahone ndo—ndo takala zwihiulu nga hezwi, lune ndi a kona u amba hezwi, nñe-nñe . . . A thi athu u vhuya nda lingedza u sumbedza tshiñwe tshithu vhutshiloni hanga tshi so ngo thoma tsha dzumbululwa. Nahone ndi livhuwa nga maanda ngauri Muruñwa wa Murena . . . Zwine a thi na pfunzo, a thi na vhukoni. Huno hoyu Muruñwa o tsela fhasi, nahone a vha thuso yanga u bva ha Mudzimu. Nahone Ha athu u vhuya a mmbudza tshithu na tshithihi fhedzi tshire tsha ṭumana u bva kha Genesi u swika kha Nzumbululo na izwo, u swika hune . . . Ndo zwi ᱥwala nga u ṭavhanya musi A tshi ri “Huno u ḋo—nahone u ḋo dzhia tshifhiwa tsha phodzo Khethwa.” Huno nda zwi ᱥwala nga ndila ye A zwi amba ngayo.

²⁵¹ Huno ho no fhela miñwaha miraru, mulanguli a kunga yanga—nyelelwo yanga khazwo, a ri, “Mukomana Branham, izwo wo zwi limuwa? Uri zwo khunyelela u swika A tshi u vhudza ‘tshifhiwa.’”

²⁵² Ni a vhona, ho ngo vhuya a ri “mpho.” Nahone muñwe—muñwe na muñwe kha Bivhili . . . mpho iñwe na iñwe ndi “mpho” fhedzi phodzo Khethwa, nahone ndi “yone mpho.” Ndi “mpho dza phodzo.” Ni nga vha na tshaka dzoṭhe dza dzimpho dza phodzo, nga ndila yo fhambanaho. Fhedzi, iñwe na iñwe “mpho”: “yone” mpho ya u porofita, “yone” mpho ya *hezwi*.

Fhedzi phodzo Khethwa ndi vhunzhi: “dzimpho.” Huno izwo ndo vha ndi so ngo zwi dzhieila nzhele, uri Muya Mukhethwa wo khunyelela nga u ralo. Oo, kha hu rendwe Murena!

²⁵³ Ni a pafesesa uri uyo Muya Mukhethwa muthihi we wa n̄wala iyo Bivhili, nga vhanna vha mađana, zwo siana nga miñwaha ya mađana . . . nahone a hu na na muthihi wavho we a fhambana na muñwe, muñwe na muñwe wavho o vha o khunyelelaho; nahone muñwe ho ngo pfa zwa muñwe.

²⁵⁴ Huno Paulo a tsela fhasi, nahone a tsela fhasi Arabia, nahone a sa vhuye a dalela Yerusalem lwa miñwaha ya fumiña, fhedzi o vha a fhasi afho Yerusalem nahone fhasi . . . a bva . . . a sa vhuye a ya Yerusalem. Fhedzi fhasi ngei Arabia, huno a thoma u rera, ho ngo vhuya a vhona Petro na vhañwe vhothe lwa miñwaha ya fumiña. Huno musi vha tshi ṭangana, vho vha vha tshi khou rera zwithu zwi fanaho: ndovhedzo madini nga Dzina la Yesu Kristo, na phodzo Khethwa, na maanda a Mudzimu.

²⁵⁵ Oo! Ndo takala ngauri ndi nga u ri ndi muñwe wavho:

Muñwe wavho, ndi muñwe wavho,
Ndo takala nga maanda ngauri ndi nga amba
uri ndi muñwe wavho; (haleluya)

Muñwe wavho, ndi muñwe wavho,
Ndo tou takala nga maanda ngauri ndi nga
amba uri ndi muñwe wavho.

Hu na vhathu hothe-hothe,
Vhane dzimbulu dzavho dzo dala u duga,
Nga mulilo we wa wa nga Pentekoste,
We wa vha ṭanzwa nahone wa vha ita vho
kunaho;
Oo, u khou duga zwino mbiluni yanga,
Oo, vhugala kha Dzina Lawe!
Ndo takala nga maanda ngauri ndi nga amba
uri ndi muñwe wavho.

Vho vha vho kuyhangana lufherani lwa n̄tha,
Vhothe vha tshi khou rabela Dzinani Lawe,
Vha lovchedza nga Muya Mukhethwa,
Nahone maanda a tshumelo a da;
Zwino zwe A ita khavho liya duvha
U do ni itela zwithihi,
Ndo takala nga maanda ngauri ndi nga amba
uri ndi muñwe wavho.

Ndi muñwe wavho, ndi muñwe wavho,
Ndo takala nga maanda ngauri ndi nga amba
uri ndi muñwe wavho; (haleluya)
Muñwe wavho, muñwe wavho,
Ndo takala nga maanda ngauri ndi nga amba
uri ndi muñwe wavho.

²⁵⁶ Thetshekessani, ndi na mulaedza muṭuku wañu:

Idani, murathu wanga, ṭodani hedzi
phaṭṭhutshedzo
Dzine dza do tanzwa mbilu yanu kha tshivhi,
Dzine dza ḥo ita uri bele dza dakalo dzi lile
Nahone dza ita uri maya waṇu u dzule u kha
mudugodugo;
Oo, u khou duga zwino mbiluni yanga,
Oo, vhugala kha dzina Lawe,
Ndo takala nga maānda ngauri ndi ya kona u
amba uri ndi muñwe wavho.

²⁵⁷ A no ngo takala ngauri ni muñwe wavho? Ndi mini? Ndi Muya une wa dzumbulula. Ndi nzumbululo ya Mudzimu, “Kha heli topmbo.” A thi na ndavha arali mubishopho . . .

²⁵⁸ Tshifhe wa Katolika o dzhena, a si kale, nduni yanga. Huno a ri, “Vho. Branham, ndo ḫa u u vhudzisa mbudziso.”

Nda ri, “Zwo luga, muñe wanga.”

A ri, “Ndi na vhurifhi hafha vhu bvaho kha mubishopho, ho da kha iwe.”

Nda ri, “Zwo luga, muñe wanga.”

²⁵⁹ A ri, “Mafhungo ane wa amba, u nga ralo u imisa tshanda tshau nahone wa ana ngangoho uri u ḫo amba ngoho?”

²⁶⁰ Nda ri, “Ndi nga si ralo.” Nda ri, “Bivhili yo ri, ‘Ni so ngo ana na luthihi, nga maṭaḍulu kana nga ḥifhasi (ngauri ndi vhukandonayo Hawe). Tendani ee yanu i vhe hai na ee.’ Arali mubishopho a tshi khou ṭoda u pfa zwine nda khou tea u amba, u ḫo tenda maipfi anga khazwo. Arali a sa ṭodi, a thi ani.”

²⁶¹ Hoyu tshifhe muṭuku n̄tha hafha kha tshivhidzo tsha Mbilu Khethwa, a ri, “Wo lovhedza Pauline Frazier nga ḫuvha likene-kene?”

²⁶² Nda ri, “Ndo ralo, muñe wanga, fhasi Mulamboni wa Ohio.”

²⁶³ A ri, “Wo mu lovhedza hani?”

²⁶⁴ Nda ri, “Ndo mu lovhedza nga u mu ngwandamedza fhasi madini nga Dzina la Murena Yesu Kristo.”

²⁶⁵ A zwi nwala fhasi. A ri, “U ya ḥivha, tshivhidzo tsha Katolika tsho vha tshi tshi lovhedza nga u ralo.”

Nda ri, “Lini?”

A ri, “Kha tshikhathi tsha u rangani.”

Nda ri, “Tshikhathi tsha u rangani tshifhio?”

A ri, “Zwo luga, u rangani.”

Nda ri, “U rangani hufhio?”

A ri, “Kha Bivhili.”

Nda ri, “U ṭoda u amba uri tshak- . . . tsha—tsha vhafunziwa?”

A ri, “Zwo tou ralo.”

Nda ri, “U amba Vhakatolika, kana, vhone—vhone . . . ? U ri vhafunziwa vho vha vha Vhakatolika?”

A ri, “Zwo tou ralo, vho vha vho ralo.”

Nda ri, “Ndo vha ndi tshi elekanya uri tshivhidzo tsha Katolika a tshi shanduki?”

A ri, “A tshi ralo.”

²⁶⁶ Nda ri, “Zwenezwo ndi ngani Petro o ri, ‘Shandukani, humo ni lovhedzwe nga Dzina la Yesu Kristo?’ Huno na ri uyo o vha a . . . uri o vha a mupapa?”

²⁶⁷ “Ee.”

²⁶⁸ “Zwenezwo ndi ngani ni tshi lovhedza nga dzina la ‘Khotsi, Murwa na Muya Mukhethwa?’ Huno a ngwandamedza, humo na shasha. Zwino ho itea mini?”

²⁶⁹ A ri, “Fhedzi, u ya vhone,” a ri, “tshivhidzo tsha Katolika tshi na maanda a u ita tshiñwe na tshiñwe tshire tsha ṭoda u ita.” Huh.

²⁷⁰ Nda ri, “Huno ni vhidza vhafunziwa uri ndi Vhakatolika?”

²⁷¹ A ri, “Ee.”

²⁷² Nda ri, “Mune wanga, ndi na Josephus, ndi na *Foxe Bugu ya Vhavhulaiwa*, ndi na *Zwikhathi* zwa u *Rangani* zwa Pemberman, ndi na Hislop *Babele Mbili*, divhazwakale dza mađuvha dzine dza vha hone shangoni, ntsumbedzeni henefho he tshivhidzo tsha Katolika tsha vhuya tsha tiwa kana he tsha vhuya tsha da kha dzangano . . . miñwaha ya mađana a rathi murahu ha lufu lwa muapostola wa u fhedza.”

“Oo,” a ri, “ri tenda zwine tshivhidzo tsha amba.”

Nda ri, “Ndi tenda zwine Bivhili ya amba.” Ni a vhone?

“Ngani,” a ri, “Mudzimu u kha tshivhidzo Tshawe.”

²⁷³ Nda ri, “Mudzimu u kha Ipfi Lawe.” Huno a ri, “Arali . . .” A ri . . . Nda ri, “Bivhili a i ri Mudzimu u kha tshivhidzo Tshawe, fhedzi Bivhili i ri Mudzimu kha Ipfi Lawe. ‘U rangani Ipfi o vha a hone, nahone Ipfi o vha e ha Mudzimu, nahone Ipfi o vha a ene Mudzimu; nahone a dzula vhukati hashu.’” Ndi zwone. Nda ri, “Mudzimu u kha Ipfi Lawe.”

²⁷⁴ A bvela nnnda humo a amba izwo. A ri, “Zwo luga, ri nga si ṭate,” a ri, “ngauri u tenda kha Bivhili, ndi tenda kha tshivhidzo.”

²⁷⁵ Nda ri, “Ndi tenda uri Bivhili ndi Ipfi la Mudzimu lo ṭuṭuwedzwaho nahone a hu na khanedzano na nthihi Khalo. Nahone Ndi Ipfi la Mudzimu, ndi ndivho Dzawe dza u ya Nga Hu Sa Fheli kha zwikhathi zweþhe zwi daho. O ri, ‘Matadulu na lifhasi zwi do lovha fhedzi Ipfi Langa a li nga lovhi.’ Ndi zwone. Ndi tenda Ipfi.”

²⁷⁶ A ya kha Vhomme. Frazier. A ri, “Vhomme. Frazier, u do ralo u saina bammbiri afha u tshi khwathisedza uri musidzana wau a nga vha murađo wa tshivhidzo tsha Katolika?”

²⁷⁷ A ri, “Ndi nga ɔamba nda ɔuwa nae ndi tshi ya mavhiđani.”

²⁷⁸ A ri, “Dishone.” A ri, “U tea u livhuwa ngauri musidzana u khou bva kha ayo maloto, u da kha tshivhidzo tsha Katolika.”

²⁷⁹ A ri, “Mini-ha arali ho vha hu musidzana wau a tshi khou da kha tshivhidzo tshanga, wo vha u tshi do ri mini ngazwo?”

²⁸⁰ “Oo,” a ri, “izwo zwo fhambana.”

²⁸¹ A ri, “Hai, a zwo ngo ralo.” O zwi dīvha uri u khou bva huñwe fhethu musi a tshi ṭutshela uyo musadzi muñuku afho nn̄da. O zwi dīvha uri u khou bva huñwe fhethu. A ri, “Zwino, muñango muthihi wo vuleya we wa dzhene ngawo.”

²⁸² Ni a vhona, ndila nthihi. Ni so ngo tambelwa nt̄ha hanu, a ni tei u tambelwa nt̄ha hanu. Arali Mudzimu a ima na inwi, ndi nnyi ane a nga ni pikisa? Ndi zwone! Thaidzo yazwo ɔamusi ndi uri, ni na muangarambo vhuzzuloni ha muñodo. Imelani Mudzimu nahone ni vhe wa ngoho!

²⁸³ Muya Mukhethwa muthihi we wa da kha havho vhaapostola na murahu kha zwikhathi, u kha di vha kha Tshivhidzo Tshawe ɔamusi, havho vhe Mudzimu a Didzumbulula khavho. “A si uyo ane a funa, kana uyo ane a gidima, fhedzi Mudzimu ane a sumbedza khathutshelo.” Ndi Mudzimu, nga u khetha Hawe, u qisa vhathu nahone a vula mađo avho. Ni nga si vhuye na Zwi vhona, no pofula, nahone ni nga si vhone nn̄dani ha musi Mudzimu o vula u pfesesa hanu. Bivhili i ri no pofula, nahone a ni koni u vhona. A hu na ṭhodeya ya uri ni lingedze. Na pfunzo dzañu dzithe, basari dzine ni nga dzi wana, ni tou isa phanđa na u dzula ni bofu.

²⁸⁴ Zwino, vhoiñwi Tshivhidzo tsha Kristo hafha, ni “ambe hune Bivhili ya amba, ni fhumule hune ya fhumula,” mini-ha nga zwiñwe zwa Izwi? No fhumula nga maanda kha Izwo. Ndi zwone.

²⁸⁵ Ni a vhona, zwi dzhia Ngoho yo dzumbululwaho ya tshimuya. Zwenezwo Mudzimu a kona u tsela fhasi nahone a Didzumbulula nahone a Zwi khwathisedza uri ndi Ngoho. Amen! Ni a Mu funa? Na nn̄e ndi a ralo. Amen.

²⁸⁶ Zwo luga, vhoiñwi Vhamethodisi nothe ni toda u khađana zwanda na Vhabaphuthisi zwino? Vhoiñwi Vhaphuresibatherieni?

²⁸⁷ “Zwino,” ni ri, “Mukomana Branham, a u ledzani na Vhabaphuthisi na Vhaphuresibatherieni vhane a vha lov-...?”

²⁸⁸ Hai, muñe wanga, a thi ralo. Ndi vha dzhia sa vharathu vhanga. Ngangoho! A thi na ndavha arali ni so ngo lovhedzwa na luthihi, arali no lovhedzwa nga dzina la “Dzuvha la Sarone,

Volenga la Muedzini, na Naledzi Masase,” izwo zwi nga si... . izwo zwi fana na “Khotsi, Murwa, Muya Mukhethwa.” A tou vha maimo mararu. O vha a Dzuvha la Sarone. O vha o ralo? Volenga la Muedzini, Naledzi Masase, zwothe hezwo. Zwo tou ralo, O vha a zwone. Tshiñwe tshithu kana tshiñwe-vho. Fhedzi zwone khezwi hafha: ndila yone ya Luñwalo ndi Dzina la Yesu Kristo. Arali ni tshi khou ḥoda ndila ya Luñwalo, ndi yone kokotolo. Ndi yone ndila yone.

²⁸⁹ Zwino, arali na lovhedzwa nga dzina la “Khotsi, Murwa, na Muya Mukhethwa,” na pfa vhunga izwo two luga, amen. Arali i phindulo ya vhudi kha Mudzimu kha luvalo lwo kunaho kha Mudzimu, amen. Isani phanda, ni a vhona.

²⁹⁰ Fhedzi uya nga hune nda divha, uya nga tshipida tshanga, arali na mmbudzisa, na ri, “Mukomana Branham, ndi tea u lovhedzwa hafhu?” Nda ndi tshi do ri, “Ee,” kha tshipida tshanga.

²⁹¹ Musadzi mułuku o da hafha linwe duvha, a ri, “Murena o mmbidza uri ndi vhe mureri.” Izwo a tho ngo zwi tenda, u fana na musi ndi sa tendi uri—uri a nga thamutshela ñwedzini. Huno a ...

²⁹² Nda ri, “Zwo luga, izwo ndi zwavhuđi, khaladzi.” Nda ri, “Wo maliwa?”

“Ee.”

“U na vhana vhavhili?”

“Ee.”

Nda ri, “Ndi mini... ? Munna wau o tshidzwa?”

“Hai.”

Nda ri, “U khou ya u ita mini ngae?”

“Ndi khou ya u mu sia hayani.”

²⁹³ Nda ri, “Itsho ndi tshikwekwe tsha khwiñe tshe diabolo a vhuya a vha natsho. U musadzi wa u naka, nahone u khou dodomela nn̄da hafha luvhandeni, u do vha tshikwekwe tsho doweleyaho na tshipondwa tsha diabolo. Huno munna wau, hayani, munna muswa, huno wa mu sia na havha vhana vhavhili; u do thoma u gidima-gidima na muñwe musadzi, nahone havha vhana vha do wana muñwe baba nga linwe la haya mađuvha.” Nda ri, “Fhethu ha u thoma, arali Mudzimu o vhidza musadzi, U hanedza Ipfi Lawe.” Nda ri, “Zwino, arali u tshi khou ḥoda u ralo, izwo two luga.” Nda ri, “Zwino, vhułalukanyi, uri Murena o u neya vhułalukanyi. U khou ḥoda u ya afho nn̄da, kha pułatifomo, wa zwi lingedza?”

²⁹⁴ A ri, “Ee.” Huno u vhone zwine zwa itea.

²⁹⁵ Ni a vhona, ndi mafulufulu. Zwi tea u vhuya murahu kha Ipfi. Arali zwi si ho kha Ipfi, zwenezwo a si zwone. A thi na

ndavha uri zwipfi zwaṇu ndi zwifhio, a si zwone. Amen! Izwo zwi pfala zwi zwavhudī. Amen!

²⁹⁶ Zwo luga:

Ri do tshimbila tshedzani, itsho tshedza tsha vhudi,
 Ida hune mashotha a ḥwando wa khathutshelo a penya;
 Penya u mona hoṭhe na riṇe masiari na madekwana,
 Yesu, tshedza tsha shango.
 Vhoinwi vhakhethwa vhoṭhe vha tshedza ṭanzielani,
 Yesu, tshedza tsha shango;
 Zwenezwo dilogo dza Tađulu dzi do lila,
 Yesu, tshedza tsha shango.
 Ri do tshimbila kha tshedza, itsho tshedza tsha vhudi,
 Ida hune mashotha a ḥwando . . .
 Penyela hoṭhe u mona na riṇe masiari na madekwana,
 Yesu, tshedza tsha . . .

²⁹⁷ Zwino ndi khou ṭoda muiwe na muṇwe a tshi rembuluwa huno a khađana zwānda, ndila nna, na muṇwe na muṇwe zwino, musi ri tshi khou imba holwu hafhu:

Ri do tshimbila kha tshedza, tshedza tsha vhudi, (amen)
 Ida hune mashotha a ḥwando wa khathutshelo a penya;
 Penyela hoṭhe u mona na riṇe masiari na madekwana,
 Yesu, tshedza tsha . . .

²⁹⁸ Ni a funa Vhamethodisi? i ri ni “Amen.” [Tshivhidzo tshi ri, “Amen.”—Mudz.] Mubaphuthisi? Muphuresibatherieni? Mukatolika? Ene . . . Oo, ni a vha funa vhoṭhe? i ri ni “Amen.” [Tshivhidzo tshi ri, “Amen.”—Mudz.]

Ri do tshimbila tshedzani, tsha vhud- . . . (ri tshi khou khađana, musi ri tshi khou bva)
 Oo, ida hune mashotha a ḥwando wa khathutshelo a penya;
 Penya u mona hoṭhe na riṇe masiari na madekwana,
 Yesu, tshedza tsha . . .

²⁹⁹ Phanda ha musi ri tshi imba luimbo lwashu lwa u pandela . . . Zwino, zwi a konadzea uri ndi vhe ndi hone hafhu nga Swondaha. Zwino, murahu ha izwo a thi nga vhuyi u swika nga murahu ha Khushumusi. Ni a vhona, ngauri ndi khou ya

Michigan, u bva Michigan nda ya Colorado, u bva Colorado nda ya ngei Idaho, u bva Idaho nda gonyela ngei California, huno ra vhuya murahu. Huno zwi a konadzeya (Ndi khou ṭoda ni tshi nthabelela) ndi do vha ndi ngei Waterloo, Iowa, mathomoni a Phando nga la fumbili-iṇa u swika Luhuhi nga la mbili. Ni a vhona, luvhande luhulu heneffho, ndo founeliwa a si kale, nahone ndi tou vha na zwino u swika Swondaha uri ndi rabele. Ni a vhona, ngei Waterloo, Iowa, hune ndi tsini zwino.

³⁰⁰ Fhedzi zwino, elelwani, thetshellesani khasho ya murathu nga iri ya vhuṭahe n̄tha ha tshithoma, matsheloni a Mugivhela. Ri do mu founela nahone ra mu divhisa. Huno izwo zwi do itea ngei kha WLRP, kha vhuimbeleli ha vhaṇa ha Neville nga iri ya vhuṭahe n̄tha ha tshithoma, matsheloni a Mugivhela. Ri do ralo... Arali nda—nda sa dzi dzhia, Mukomana Neville u do fhedzisa dzimbudziso. U do ralo, Mukomana Neville, u itela matsheloni a Swondaha? [Mukomana Neville u ya sea nahone a ri, “Nzudzanyo khulu”—Mudz.] Zwo luga, lavhelesani, arali na dzhena khakhathini, ndi do gidima na inwi. U do dzi sedza. Zwo luga.

³⁰¹ Zwo luga:

Tshimbilani na Dzina la Yesu,
Ñwana wa matungu na khakhathi;
Li do ni ñeya dakalo na u ni kwengweledza,
Oo, tshimbilani naļo hoṭhe hune na ya.

Dzina la vhudi, Oo lo naka hani!
Fulufhelo la liphasi na dakalo la Tadulu;
Dzina la vhudi, Dzina la vhudi, Oo lo naka
hani! Lo naka hani!
Fulufhelo la liphasi na dakalo la Tadulu.

³⁰² Zwino, arali ni tshi khou ṭoda u divha Mubaphuthisi ane a tenda kha u huwelela, uho ndi ū huwelela hune nda tenda khaho. Mme wa kale o sokou dzula heneffho, nahone Muya wo da khae. A thoma u huwelela, ho ngo kona u diputa, a tshimbila a tshi ya phanda na murahu a tshi khou kuvhatedza ñwananyana wawe. Ndi ṭoda u zwi vhona nga u ralo. Amen. Izwo ndi zwavhuđi nga maand̄a, fesheni ya kale, zwipfi zwi pfalaho mbiluni. Oo, nnē-nne, ene wa kale—ene wa kale, wa khalañwaha, mukhethwa o vhibvaho, o lugelaho u ya hayani ngei Vhugalani. O tou lindela u vhidzwa, ni a vhona, u tou vha na tshifhinga tsha vhudi.

Zwo luga, Mukomana Neville zwino, tshini na tshini tshire a khou ṭoda u ita.



DZIMBUDZISO NA DZIPHINDULO KHA VHAHEVHERU TSHIPIDA I TSV57-0925

(Questions And Answers On Hebrews Part I)

MILAEDZA YA VHUDIFARI, NGONA NA PFUNZO ZWA TSHIVHIDZO

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga madekwana a Ləvhuraru, Khubvumedzi 25, 1957, Thaberenakejeni ya Branham kha la Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenda yo gandiswa huno ya phadhaladzwa nga vha Voice Of God Recordings.

TSHIVENDA

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org